

醫方類聚卷之一百十四

目錄



咳嗽門一

論

咳嗽門二

金匱方

肺痿肺癰咳嗽上氣病脉證治

甘草乾姜湯 射干麻黃湯 皂莢丸

厚朴麻黃湯 澤漆湯 麥門冬湯 葶

藶大棗瀉肺湯 桔梗湯 越婢加半夏

湯 小青龍加石膏湯 炙甘草湯 甘  
 草湯 生姜甘草湯 桂枝去芍藥加皂  
 莢湯 桔梗白散 葶莖湯 葶藶大棗  
 瀉肺湯

痰飲欬嗽

茯苓桂枝白朮甘草湯 腎氣丸 甘遂  
 半夏湯 十棗湯 大青龍湯 小青龍  
 湯 木防已湯 木防已湯去石膏加茯  
 苓芒硝湯 澤瀉湯 厚朴大黃湯 葶

塵大棗瀉肺湯 小半夏湯 防已椒目  
 葶藶大黃丸 小半夏加茯苓湯 五苓  
 散 茯苓飲 十棗湯 十棗湯 小青  
 龍湯 桂苓五味甘草湯 苓甘五味姜  
 辛湯 桂苓五味甘草去桂加乾姜細辛  
 半夏湯 苓甘五味加姜辛半夏杏仁湯  
 茯苓五味加姜辛半夏大黃湯 小半夏  
 茯苓湯

千金方

肺痿

麻黃湯

咳嗽

麻黃石膏湯 溫脾湯 百部根湯 海

藻湯 白前湯 麻黃散 蜀椒圓 通

氣圓 射干煎 杏人煎 通聲膏 杏

人飲子 蘇子煎 芫花煎 欬冬煎

欬冬圓 五味子湯 竹皮湯 百部圓

鍾乳七星散 七星散

痰飲

小半夏湯 甘草湯 十棗湯 小青龍

湯 椒目圓 大茯苓湯 茯苓湯 大

半夏湯 半夏湯 乾棗湯 當歸湯

吳茱萸湯 前胡湯 旋復花湯 薑椒

湯 薑附湯 療膈散 斷膈湯 松蘿

湯 杜蘅湯 蜜煎 葱白湯 大五飲

圓 旋復花圓 中軍候黑圓 順流紫

圓

千金月令

海上仙方

遠年咳嗽

咳嗽不止

聖惠方

欬嗽

治久欬嗽諸方

百合散 木乳散 紫苑散 蛤蚧丸

紫蘇子丸 甜亭歷丸 鹿角膠煎

治積年欬嗽諸方

川椒丸 蜜隨僧丸 芫花根丸 海藻

丸 芫花煎

治卒欬嗽諸方

貝母煎

治氣嗽諸方

訶梨勒散 乾薑散 人參散 五味子

散 紫苑丸 熟乾地黄丸 杏人煎

治暴熱欬嗽諸方

紫苑散 百部散 白前散 柴胡散

天門冬丸 麥門冬煎 生地黃煎

治欬嗽喘急諸方

馬兜零散 紫苑散 馬兜零散 杏仁

丸 紫蘇子煎

治欬嗽短氣諸方

海藻散 五味子散 阿梨勒散 紫蘇

散 胡椒理中丸 紫苑丸

治欬嗽上氣諸方

麻黃散 杏仁散 陳橘皮散 大腹皮

散 百合丸 生地黃煎

治久欬嗽上氣諸方

紫蘇散 大腹皮散 麻黃散 含化丸

皂莢丸 紫苑煎

治欬嗽嘔吐諸方

半夏散 厚朴散 人參散 赤茯苓散

白朮散 紫蘇子散 前胡散 半夏丸

治欬嗽面目浮腫諸方

甜葶藶散 桑根白皮散 澤漆散 牽

牛子散 雞舌香散 漢防己散 海蛤

散 漢防己丸 甜葶藶丸

治欬嗽失聲諸方

貝母散 桂心散 杏人煎 天門冬煎

杏人煎 五味子煎 桂心丸

治欬嗽痰唾稠黏諸方

前胡散 細辛散 桔梗散 旋復花散

木通散 天門冬丸 皂莢丸 天門冬

煎

治欬嗽喉中作呀呷聲諸方

前胡散 白前散 赤茯苓丸 香墨丸

咳嗽門 三

聖惠方 二

治欬嗽不得睡卧諸方

百部散 天門冬膏

治欬嗽唾膿血諸方

黃耆散 乾地黄散 鹿角膠散 百部

丸

治久欬嗽唾膿血諸方

白石英散 茜根散 乾地黄散 貝母

散 百部散 鍾乳散 欬冬花丸 阿

膠煎

治欬嗽熏法諸方

治痰飲諸方

檳榔散 枇杷葉散 厚朴散 半夏散

治痰飲食不消諸方

前胡散 白朮散 枳實散 半夏散

人參散 赤茯苓散 訶梨勒丸

治留飲宿食諸方

檳榔散 白朮散 木通丸 桂心丸

芫花丸 當歸丸 海藻丸 大黃丸

桑耳丸

治痰癖諸方

木香散 赤茯苓散 旋復花丸

治飲癖諸方

桂心散 細辛散 吳茱萸丸 郁李人  
丸 檳榔丸

治支飲諸方

漢防已散 枳殼散 旋復花丸 葶藶  
丸

治懸飲諸方

桂心散 前胡散 厚朴散 旋復花丸

治溢飲諸方

白朮散 半夏散

治冷痰飲諸方

前胡散 訶梨勒散 草薺薤散

治風痰諸方

白朮丸 旋復花散 天南星丸

治痰熱諸方

犀角散 麥門冬散 茅根散 旋復花  
散 枳殼丸

治痰逆不下食諸方

丁香散 木瓜散 黃耆散 檳榔散



枇杷葉散 前胡丸 木香丸

治痰冷癖飲諸方

木香散 厚朴散 白朮散 旋復花丸  
硫黃丸 甘遂丸 細辛丸 芫花丸  
桔梗丸 狼毒丸

治痰癥頭痛諸方

附子散 防風散 石膏丸

治痰結實諸方

前胡散 半夏丸

和劑局方

痰飲 附咳嗽

倍朮圓 消飲圓 化痰玉壺圓 辰砂

化痰圓 金珠化痰圓 玉液圓 玉芝

圓 桔梗湯 備急丸 嗽圓 大阿膠圓

百部圓 欬冬花散 鍾乳補肺湯 華

蓋散 丁香半夏圓 藿香散 二陳湯

溫肺湯 麻黃散 人參養肺圓 人參

呵子圓 溫中化痰圓 新法半夏湯

丁香五套圓 縮砂圓 潔白圓 破飲  
 圓 温中化痰圓 養中湯 人參欵花  
 膏 橘皮半夏湯 人參潤肺圓 定喘  
 瑞應丹 人參清肺湯 新法半夏湯  
 人參定喘湯 細辛五味子湯 茯苓半  
 夏湯 人參藿香湯 半夏圓 杏參散  
 杏子湯 四七湯

大全本草

赤石脂散 木防已湯 澤漆湯 皂角

九 治嗽補肺丸

三因方

欵嗽治法

華蓋散 五味子湯 白朮湯 丁香烏  
 梅丸 人參散 太伯丹 阿膠散 平  
 氣飲 蛤蚧散 欵冬花散 白散子  
 青金丹 僧伽應夢人參散 神效散  
 防已桂枝湯 小承氣湯 葶藶大棗湯  
 肺湯 茯苓湯 參苓飲 八味圓 參

蘇飲 破飲圓 控涎丹 強中丸  
凡例

喘脉證治

神秘散 真應散 清肺湯 神秘湯

皺肺圓 理氣圓 黑錫丹 白散子

肺痿肺癰敘論

肺痿證治

人參甘草湯 溫液湯

肺癰證治

小青竜湯 如聖湯 葦葉湯

欬嗽門四

衛生十全方

治痰嗽

神巧萬全方

咳嗽

阿膠丸 生麥門冬煎 半夏丸 紫苑

散 巴戟丸 桂心散 阿膠煎

痰飲

赤茯苓丸 天南星丸 防風散

助道方

治喘滿生痰證

治積年痰飲患

治痰飲氣聚結胃中

治胃隔滿生痰證

治久年哮喘嗽證

治老人喘嗽病

是齋醫方

嗽疾

藿香半夏散 七寶散 皺肺元 溫肺

湯 乾咯散 三拗湯 神效湯 人參

飲子 人參紫苑湯 溫肺湯

痰飲

星砂元 飛攀丹 二薑元 神仙化痰

元 加減青州白元 下痰元 千金

元 天香飲子 導痰湯 二麴元 二

賢湯 細辛五味子湯 吳仙丹 星附

湯 快活元 衮金元 紫芝元 三仙  
元 化痰元 玉塵散 破痰消飲元  
治痰茯苓元 滌寒湯 南星湯 三倍  
元 搜飲元

酒飲

倍术散

壅塞

芎辛散 桂辛湯 宣肺散 調降湯  
喘

定喘飲子 五味子湯 五味子剉散

宣肺湯 觀音人參胡桃湯 神御散

瑣碎錄

欬嗽痰喘

易簡方

杏子湯

簡易方

清膈圓 中和湯 溫中圓

痰飲喘嗽

分涎湯 清壺圓 平肺湯 九寶湯  
團參圓 黃圓子

直指方

痰涎證治

橘皮湯 前胡半夏湯 人參飲 星菴  
湯 二聖飲 大半夏湯 半夏圓 豁  
痰圓 神朮圓 強中二薑圓 養正丹  
二陳湯 二陳湯  
欬嗽證治

加減麻黃湯 溫肺湯 金沸草散 人  
參欬花膏 天麻防風圓 清肺飲 黃  
連阿膠圓 不換金正氣散 桑皮散  
小青龍湯 十棗湯 真武湯 補肺湯  
理中圓 加味理中湯 養胃湯 人參  
欬花膏 人參飲 養肺湯 寧嗽湯  
人參潤肺散 橘皮半夏湯 加味半夏  
伏苓湯 南星散 人參芎歸湯 人參  
芎歸湯 大阿膠圓 人參胡桃湯 定

肺湯 七寶散 黃耆建中湯 消膿飲  
雄黃散 蘇合香圓 安腎圓

喘嗽證治

定肺湯 調降湯 杏蘇飲 五味子湯  
三拗湯 玉華散 小青龍湯 郁李仁  
圓 神秘湯 小半夏伏苓湯 五苓散  
桔梗枳殼湯 七氣湯 分氣紫蘇湯  
二陳湯 安腎圓 入味圓 養正丸  
五靈圓 雄黃圓

朱氏集驗方

痰飲

玉壺圓 半夏湯 煮浮圓 玉浮圓  
玉液湯 白朮圓 靈砂白圓子

咳嗽

加減三拗湯 二妙丹 杏仁湯 半夏  
湯 一服散 參芎湯 杏仁煎 石夏  
圓 阿膠散 鍾乳散 五味子湯 葶  
塵湯 山聲散 金露飲 胡桃散 冰

柴胡湯 理中湯 赤茯苓湯 三聖飲  
紫苑湯 洗心散

喘

坎離湯 踈鑿飲子 剉散五味子 八

寶丹 加減滲濕湯 定喘湯 養氣丹

鯽魚圓 棗杏圓 黃牛散 麥花散

嚴氏濟生丸

喘

葶藶散 二黃圓 杏參飲 四磨湯

欬嗽

杏子湯 橘蘇散 白朮湯 團參飲子

痰飲

導痰湯 檳榔散 枳朮湯 赤石脂散

二生湯

嚴氏濟生續方

喘嗽

杏仁煎 定喘丹 半夏圓 阿子飲

百花膏



管見大全良方

欬嗽

洗心散 八正散 龍腦飲子 妙香圓

修月魯般經後錄

觀音救苦散 清氣化痰丸 寧嗽化痰

丸

三法六門

寧神散 寧肺散 人參補肺散 白朮

湯 薏苡仁湯

宣明論

痰飲

大人參半夏丸 半夏芩藎丸 白朮厚

朴湯 橘皮半夏湯 知母茯苓湯 人

參潤肺湯 杏仁半夏湯 防己丸 葶

藶散 保安半夏丸 人參保肺湯 神

應丹 人參散 寧神散 桂苓白朮丸

潤肺散 寧肺散 鱉甲丸 石膏散

人參半夏丸 仙人肢丸 松花膏 辰

砂半夏丸 大百勞散 小百勞散 五  
味子湯 安神散

御藥院方

痰飲

導飲丸 半夏利膈丸 紫蘇半夏湯  
大半夏湯 小半夏湯 賺氣散 青龜  
散 參蘇半夏湯 前胡散 寧氣湯  
寧神丸 玉仙散 消痰丸 祛風丸  
滌痰丸 蠟煎散 貝母湯 開結枳實

丸 神應丹 紫苑丸 潤肺丸 利膈

丸 團參散 蛤蚧膏 小枳殼丸 十

診餅子 大半夏丸 白雪丸 木香半

夏丸 小半夏丸 止逆丸 沉香湯

玉芝徐老丸 製半夏法

欬嗽門 五

御藥院方 二

辰砂利膈丸 半夏利膈丸 平肺散  
導飲丸 柴胡飲子 藿香散 安眠散

半夏丸 人參丸 潤肺丸 紫團參丸  
蘆筒散 清肺丸 天南星丸 欬冬花  
散 噙化止咳丸 神功散 百部散  
八味欬冬花散 紫參丸 消痰咳嗽丸  
法製溫半夏 梅青丸 玉塵散 安眠  
散 異功丸 法製白半夏 法製紅半  
夏 化痰鐵刷丸 瀉肺湯 消飲白朮  
丸 白金散 辰砂利痰丸 人參前胡  
散 白朮茯苓丸 溫胃化痰丸 人參

枳殼湯 枳實半夏丸 皂白丸 法製  
半夏 辛夷湯 龍膽丸 蠲飲枳實丸  
天門冬丸 神祕湯 紫苑湯 養肺丸  
立效丸 沉香墮痰丸 除痰丸 乳香  
半夏丸 細辛五味湯 玉液散 寧肺  
散 紫金散 暖胃湯 白雪丸 錦朱  
丸 人參紫苑湯 壞痰丸 人參蛤蚧  
散

得效方

痰病

順元散 星香飲

痰飲

十棗湯 五苓散 防已桂枝湯 茯苓

五味子湯 大青龍湯 小青龍湯 參

蘇飲 五苓散 四七湯 二陳湯 加

味壽星圓 蝎麝白圓子 星香飲 芎

辛散 枳殼半夏湯 順元散 黑錫丹

靈砂丹 八味圓 暖胃圓 靈白圓

二賢湯 茱萸圓 快活圓 茯苓圓

倍朮散 桂辛湯 丁香半夏圓 二陳

湯 控涎圓 二生湯 破痰消飲圓

破飲圓 導痰湯 二陳湯 荆蓬煎圓

理中湯

咳嗽

神木散 三拗湯 杏蘇湯 人參荆芥

散 金沸草散 小青龍湯 華蓋散

六和湯 白朮散 不換金正氣散 團

參飲子 分心氣飲 枳殼半夏湯 貝  
 母散 紫苑膏 玉芝圓 金沸草散  
 黃連阿膠圓 小柴胡湯 洗心散 藿  
 香正氣散 理中湯 杏子湯 丁香半  
 夏圓 胡椒理中圓 黃耆建中湯 養  
 榮湯 皺肺圓 人參飲子 壹服散  
 敗毒散 升麻葛根湯 香葛湯 蛤蚧  
 散 白圓子散 當歸飲 澄清飲 青  
 金丹 人參清肺湯 蠟煎散 神效散

參蘇飲 寧肺散 杏仁煎 二陳湯  
 欵冬花散 葶蘆散 防己散 星砂圓  
 滴油散

喘急

麻黃散 溫肺湯 金沸草散 加味二  
 拗湯 香葛湯 參蘇飲 藿香正氣散  
 四磨湯 四七湯 紫蘇子湯 洗心散  
 八正散 葶蘆散 小柴胡湯 金沸草  
 散 枳殼半夏湯 加味控涎圓 蘇子

類聚百四

二十一

降氣湯 鍾乳圓 胡椒理中圓 安腎

圓 入味圓 養正丹 紅椒圓 人參

定喘湯 九寶湯 杏參飲 分心氣飲

秘傳降氣湯 加味白朮散 水煮木香

圓 神保圓 玉液散 神應丹 胡桃

湯 葶蘆圓 炙肝散 人參清肺飲

清膈散

澹軒方

哮喘

肘後方

治卒中氣咳嗽方

五嗽丸 含膏丸 金粟丸

治胃膈上痰瘞諸方

五膈丸 赤石脂散 生犀丸 利膈丸

澹寮方

痰飲

天南星圓 丁香半夏圓 枳實半夏湯

生半夏圓 丁香茯苓湯

咳嗽

兜令圓 五生圓

衛生寶鑑

咳嗽

人參欵花散 紫參散 九仙散 欵花

清肺散 人參理肺散 紫團參丸 安

肺散 人參清鎮丸 皂角化痰丸 延

壽丹 太阿膠丸 恩袍散 地血散

五味黃芪散 透羅丹 全真丸 槐角

利膈丸 木香半夏丸 太白丹 定喘  
餅子

盛則為喘治驗

平氣散 加減瀉白散

風痰治驗

天麻半夏湯

聖濟總錄 一

痰癖

枳殼丸 皂莢檳榔丸 大腹丸 消飲

類聚百十四

二五三

白朮丸 五飲丸 利膈丸 玉粉丸  
三建散 消痰丸

支飲

參苓丸 大半夏丸 化氣丸 青金丸  
葶藶丸 三聖散 旋復花湯 神應丸  
檳榔丸 木香丸

留飲

赤茯苓湯 半夏湯 枳實湯 檳榔湯  
人參白朮丸 沉香茯苓丸 利膈丸

廿遂湯 萆撥煮散

咳嗽

桑白皮湯 貝母丸 蛤蚧散 黑靈丸  
馬兜零飲 阿膠湯 百部煎 杏仁煎  
防己丸 百部丸 溫肺丸 桃人丸  
貝母散 玉液湯 石韋散 欬冬花熏  
膠鼓湯 訶梨勒散 五味子湯 五味  
子散 肺寒湯 蛤蚧丸

暴嗽



感通湯 杏人湯 貝母湯 欵冬花湯  
飴糖煎 太白丸 伏龍肝丸 訶梨勒  
含化 百部根酒

久嗽

阿膠散 人參煎 貝母丸 異功散

黑金散 欵冬花散 蛤蚧丸 阿膠散

紫苑散 乳石散 欵冬花散 阿膠飲

八仙湯 蒺藜貝母湯 芫胡湯 藥熏

法

咳嗽門 六

聖濟總錄 二

冷嗽

五味子湯 乾薑湯 阿膠湯 細辛散

四順散 薑飴煎 杏人丸

熱嗽

百部丸 百部湯 天門冬丸 阿膠丸

玉粉散 華蓋湯 甘草飲 亭歷丸

防風湯 阿膠丸 黃金丸 半夏丸

類聚百病  
類聚百病

三十五

涼膈丸 杏人散 欵肺湯 馬兜零湯  
地黃湯 牛黃丸

呷嗽

射干丸 芫根白皮丸 黃耆丸 香墨

丸 杏人丸 葇荈子散 墜痰丸 欵

冬花湯 雌黃丸 白竜丸 胡黃連湯

紫苑杏人煎

五臟諸咳

前胡湯 紫苑丸 五靈脂湯 人參桔

桔梗 丹砂半夏丸 木乳散 半夏橘

皮湯 四味散 鹿角膠湯 黃耆散

人參散 檳榔丸 皂莢丸 檳榔桔梗

湯 阿膠散 人參丸 萊菔丸 玉液

散

咳嗽上氣

五味子湯 百部丸 華蓋煮散 蜀椒

丸 潤膈丸 欵冬花丸 五嗽丸 竜

腦丸 香鼓丸 郁李人煎 檳榔湯

此胡桑白皮湯 木香枳殼湯 馬兜零  
散 紫苑丸 桂杏丸 白前湯 杏人  
丸 四神散 地黃煎

咳嗽嘔吐

人參湯 半夏湯 半夏丸 白朮湯

金華丸 分氣丸 厚朴湯 胡椒丸

膠飴煎 橘皮五味子湯

咳嗽唾膿血

相傳丸 欬冬花丸 蛤蚧丸 百部丸

欬冬花湯 補肺湯 貫衆湯 桑白皮

湯 萊菔子煎 蛤蚧湯 百部丸 薤

白湯 栝樓湯 紫苑湯 杏人湯

咳逆短氣

前胡湯 欬肺湯 五味子湯 潤肺湯

殊効湯 肉蓯蓉湯 人參丸 阿膠散

玉液飲 紫蘇知母湯 紫蘇湯 薑麥

湯 紫蘇湯 枸杞湯 羌活煮散

咳嗽面目浮腫

類身百病  
九

郁李人丸 赤茯苓湯 葶藶湯 小亭

麤湯 皂莢丸 潤肺散

居家必用

倍薑丸

必用全書

咳嗽諸證方

化痰圓

必用之書

法製香藥

法製半夏 法製橘皮 法製柏枝 法

製杏仁 酥杏仁法 法製縮砂 木香

煎 法製木瓜 法製蝦米

拔粹方

嘔欬氣喘

加減瀉白散 神秘湯 加減三奇湯

諸痿喘嘔今立熱喘寒喘二方

人參平肺散 參蘇溫肺湯

肺寒則面自生痰喘咳嚏唾

類聚百十四  
二五九

半夏溫肺湯 丁香半夏丸 紫蘇飲子

咳嗽

水煎金花丸 小黃丸 白朮丸 玉粉

丸 姜桂丸 水煎金花丸 欬氣丸

紫苑散 黃耆鼈甲散 人參欬花膏

紫參散

王氏集驗方

治痰飲欬嗽

玉液丸 朱砂丸 一字散 救生丹

黃九子 亭歷大棗瀉肺湯 橘皮湯

半夏湯 寧氣湯

瑞竹堂方

痰飲

化痰丸 神仙墜痰丸 寬中祛痰丸

滌痰丸 敵痰丸 化痰丸 生胃丸

來甦膏 神聖餅子

喘嗽

祛痰丸 殭蠶湯

醫方大成

咳嗽

敗毒散 參蘇飲 金沸草散 小青竜湯 五拗湯 大降氣湯 亭歷散 桔梗湯 紫苑茸湯 瀉白散 痰氣

順元散 蘇子降氣湯 黑錫丹 靈砂丹 俞山人降氣湯 枳實理中圓 小

丁香茯苓湯 枳朮湯

喘急

三拗湯 紫蘇子圓 蘇子降氣湯 人參

氣紫蘇飲 五味子湯 南北經驗方 痰氣 半夏湯 五飲湯 白朮湯 葛花解酒 袖珍方

咳嗽

青龍散 人參平肺散 人參保肺湯  
 四聖散 補肺散 寧肺湯 知母茯苓  
 湯 貝母散 人參養肺湯 人參紫蘇  
 丹 星香丸 星半丸 溫金散 沉香  
 散 清金湯 紫蘇飲子 人參潤肺丸  
 人參潤肺散 人參飲 橘皮湯 人參  
 紫苑湯 人參飲 人參五味子散

痰氣

導飲丸 大半夏湯 柴胡飲子 人參  
 飲子 茯苓飲子 牛黃通膈丸 開結  
 枳實丸 沉香和中丸 剋痞丸 滾痰  
 丸 豁痰湯 辰砂祛痰丸 大利膈丸  
 化痰丸 利膈化痰丸 半夏丸 辰砂  
 半夏丸 黃金半夏丸 洗肺散 天竺  
 黃餅子

喘急

華蓋散 葶藶散 定喘湯 杏蘇飲

玉華散 葶藶清肺湯 人參理肺散  
紫參散 杏參飲

欬嗽門 七

永類鈴方

痰飲

雜病咳嗽

立安散

雜病喘急

七七散

痰氣

蘇子降氣湯 十棗湯 犬青龍湯 星

砂元

咳嗽

瀉白散 天門冬元 黃圓子 紫金丹

肺癰欬血

亭麤湯 補肺散 四黃元

經驗秘方

痰飲



導痰九 疎痰九 驅風化痰九 白元

子 導痰湯 參蘇半夏湯 遠志散

加味白元子 加味導痰湯

喘嗽

全真散 如聖餅子 一捻金散

經驗良方

肺氣喘嗽痰齁齕

金不換圓 清音丹 辛夷散

治齕齕等疾

金粟丹 鬼哭丹 杏酪湯 香飲子

金沸草散 烏巴圓 扁豆散 人參膏

杏仁煎 百部圓 九寶飲 如神湯

人參湯 紅散子 觀音散 導痰圓

荆蓬煎圓

醫林方

咳嗽

紫參散 萬救丹 人參定喘散 人參

小靈散 人參紫苑散 化痰珍珠丸

膈煎丸 白朮丸 蜜煎

煙霞聖效方

咳嗽

安肺丹 陳皮生薑煎 人參寧肺散

壽親養老書

歲靈仙圓 保救丹 生薑湯

施圓端效方

咳嗽

寧氣散 定喘餅子 玄胡散 青金丹

安肺散 百部散 太白丹 無憂丸

八仙丸 欵冬花丸 人參驚甲散 寧

神散 人參紫苑散 化痰丸 馬兜苓

散 馬兜苓湯 雄黃欵花散 人參散

理肺散 欵花貝母散 安神散 人參

八仙丹

吳氏集驗方

痰飲

姜朮飲 新法半夏湯 快膈湯 消痰

飲

喘嗽

蠟紙膏 一井金 二母湯 清肺膏

芎朮飲 人參五味子湯

呀呷

法鯽魚

神效名方

欬嗽痰涎

九仙散 止嗽散 八仙散 三才丸

三分茶 石膏湯 三生丸 半夏湯

麻黃湯

山居四要

欬嗽咯血

新效方

皂角丸 黃連化痰丸

大急救仙方

人參交龍散 二母散 黑龍元 化痰

員

玉機微義

痰飲

大青龍湯 小青龍湯 參蘇飲 金沸  
 草散 十棗湯 控涎丹 三花神佑丸  
 厚朴大黃湯 袞痰丸 蠲飲枳實丸  
 神仙墜痰丸 大利膈丸 滌痰丸 透  
 羅丹 破飲丸 妙香丸 白餅子 瓜  
 滯散 三聖散 勝金丸 五苓散 苓  
 桂朮甘湯 茯苓湯 枳朮湯 澤瀉湯

小半夏湯 小半夏加茯苓湯 橘皮半  
 夏 二陳湯 桔梗半夏湯 導痰湯  
 神朮丸 加味二陳湯 芎夏湯 青州  
 白丸子 玉壺丸 辰砂化痰丸 水煮  
 金花丸 天南星丸 小陷胷湯 半夏  
 丸 小黃丸 茯苓半夏湯 人參半夏  
 丸 消飲丸 溫胃化痰丸 溫中化痰  
 丸 丁香五套丸 半夏溫肺湯 丁香  
 半夏丸 薑桂丸 四七湯 三仙丸

茯苓丸 蘇子降氣湯 俞山人降氣湯  
黑錫丹 靈砂丹 腎氣丸

欬嗽

消風百解散 金沸草散 敗毒散 搜

風丸 小青帝湯 九寶湯 人參杏子

湯 半身溫肺湯 華蓋散 射干麻黃

湯 人參白虎湯 清暑益氣湯 黃連

香薷飲 五苓散 十棗湯 白朮湯

白朮木香散 欬氣丸 五味子湯 神

功丸 黃連解毒湯 梔子仁湯 麥門

冬湯 加減小柴胡湯 地骨皮散 紫

苑散 人參蛤蚧散 知母茯苓湯 加

減瀉白散 加減瀉白散 欬冬花散

澤漆湯 參蘇飲 四七湯 二陳湯

蘇子降氣湯 加減三奇湯 橘蘇飲

人參欬花膏 人參清肺湯 人參定喘

湯 寧神散 腎氣丸 補肺湯 四滿

丸

治痰諸方

青州白丸子 水煮金花丸 滾痰丸  
小黃丸 溫中丸 姜桂丸 白朮丸  
玉粉丸 化痰丸 小胃丹 千縉湯  
導痰湯

腑臟湯液諸方

小柴胡湯 黃芩加半夏生姜湯 桔梗  
湯 芍藥甘草湯 升麻湯 烏梅丸  
麻黃湯 赤石脂禹餘糧湯 麻黃附子

細辛湯 茯苓甘草湯 異功散  
熏法

運化玄樞

壽域神方

咳嗽部

痰飲部

喘急部

齶部

衛生易簡方

咳嗽

痰飲

喘急

金匱鈎玄

二陳湯 小胃丹 青礬石丸 潤下丸

中和丸 導痰湯 千縉湯

喘

哮

御醫撮要

皂莢丸 生犀丸 洗肝湯

備預百要方

咳嗽上氣方

華蓋散

餘藥無名者散見本方

食治

禁忌

鍼灸

導引

咳欬門一

金匱方

肺痿肺癰欬嗽上氣病脈證治

問曰熱在上焦者因欬為肺痿肺癰之病何從得之師曰或從汗出或從嘔吐或從消渴小便利數或從便難又被快藥下利重亡津液故得之曰寸口脈數其人欬口中反有濁唾涎沫者何師曰為肺痿之病若口中辟辟燥欬即胸中隱隱痛脈反滑數此謂肺癰欬



唾膿血脈數虛者爲肺痿數實者爲肺癰  
問曰病欬逆脈之何以知此爲肺癰當有膿  
血吐之則死其脈何類師曰寸口脈微而數  
微則爲風數則爲熱微則汗出數則惡寒風  
中於衛呼氣不入熱過於榮吸而不出風傷  
皮毛熱傷血脈風舍於肺其人則欬口乾喘  
滿咽燥不渴時唾濁沫時振寒熱之所過  
血爲之凝滯畜結癰膿吐如米粥始萌可揉  
膿成則死 上氣面浮腫肩息其脈浮大不

治又加利尤甚 上氣喘而躁者屬肺脹欲  
作風水發汗則愈

痰飲欬嗽病脈證并治

問曰夫飲有四何謂也師曰有痰飲有懸飲  
有溢飲有支飲 問曰四飲何以爲異師曰  
其人素盛今瘦水走腸間漑漑有聲謂之痰  
飲飲後水流在脇下欬唾引痛謂之懸飲飲  
水流行歸於四肢當汗出而不汗出身體疼  
重謂之溢飲欬逆倚息短氣不得卧其形如

腫謂之支飲 水在心心下堅築短氣惡水  
不欲飲 水在肺吐涎沫欲飲水 水在脾  
少氣身重 水在肝脇下支滿噎而痛 水  
在腎心下悸 夫心下有留飲其人背寒冷  
如小大 留飲者脇下痛引缺盆欬則輒  
已壹作甚胸中有留飲其人短氣而渴四肢歷  
節痛脉沉者有留飲 膈上病痰滿喘咳吐  
涎則寒熱背痛腰疼目泣自出其人振振身  
羸劇必有伏飲 夫病人飲水多必暴喘滿

凡食少飲多水停心下甚者則悸微者短氣  
脉雙弦者寒也皆大下後喜虛脉偏弦者飲  
也 肺飲不弦但苦喘短氣 支飲亦喘而  
不能卧加短氣其脉平也 病痰飲者當以  
溫藥和之

巢氏病源 咳嗽病諸候

咳嗽候

咳嗽者肺感於寒微者則成咳嗽也肺主氣  
合於皮毛邪之初傷先客皮毛故肺先受之

五藏與六腑爲表裏皆稟氣於肺以四時更  
王五臟六腑皆有咳嗽各以其時感於寒而  
受病故以咳嗽形證不同五臟之咳者乘秋  
則肺先受之肺咳之狀咳而喘息有音聲甚  
則唾血乘夏則心受之心咳之狀咳則心痛  
喉中介介如哽甚則咽腫喉痺乘春則肝受  
之肝咳之狀咳則兩脇下痛甚則不可以轉  
兩脚下滿乘季夏則脾受之脾咳之狀咳則  
右脇下痛痞痞引於臍背甚則不可動動則

咳乘冬則腎受之腎咳之狀咳則腰背相引  
而痛甚則咳逆此五藏之咳也五藏咳久不  
已傳與六腑脾咳不已則胃受之胃咳之狀  
咳而嘔嘔甚則長蟲出肝咳不已則膽受之  
膽咳之狀咳嘔膽汁肺咳不已大腸受之大  
腸咳之狀咳而遺屎心咳不已則小腸受之  
小腸欬之狀咳而失氣氣者與咳俱出腎欬  
不已膀胱受之膀胱咳之狀咳而遺尿久咳  
不已三焦受之三焦咳之狀咳而腹滿不欲

食飲此皆聚於胃鬪於肺使人多涕唾而而浮腫逆氣也又有十種咳一曰風咳語因咳言不得竟是也二曰寒咳飲冷食寒入注胃從肺脉上氣内外合因之而咳是也三曰支咳心下鞞滿咳則引痛其脉反遲是也四曰肝咳咳而引脅下痛是也五曰心咳咳而唾血引手少陰是也六曰脾咳咳而涎出續續不止引少腹是也七曰肺咳咳而引頸項而唾涎沫是也八曰腎咳咳則耳聾無所聞引

腰臍中是也九曰膽欬欬而引頭痛口苦是也十曰厥陰欬欬而引舌本是也診其右手寸口名氣口以前脉手陽明經也其脉浮則爲陽陽實者病腹滿善氣喘咳微大爲肝痺咳引小腹也咳嗽脉浮喘者生小沉伏匿者死

又云脉浮直者生沉鞞者死欬且嘔腹脹且泄其脉弦弦欲絕者死咳脫形發熱脉小鞞急者死咳且羸瘦絡脉鞞大者死咳而尿血

羸瘦脉大者死

久欬候

肺感於寒微者卽成咳嗽久咳嗽是滯滯歲  
月經久不瘥者死也凡五臟俱有欬嗽不已  
則各傳其府諸久嗽不已三焦受之其狀欬  
而腹滿不欲食飲寒氣聚於胃而關於肺使  
人多涕唾而變面浮腫氣逆故也

呷嗽候

呷嗽者猶是欬嗽也其胃鬲痰飲多者嗽則

氣動於痰上搏咽喉之間痰氣相擊隨嗽動  
息呼呷有聲謂之呷嗽其與咳嗽太體雖同  
至於投藥則應加消痰破飲之物以此爲異  
耳

暴氣咳嗽候

肺主於氣候皮毛人有運動勞役其氣外泄  
腠理則開因乘風取涼冷氣卒傷於肺卽發  
成嗽故爲暴氣嗽其狀嗽甚而少涎沫

咳逆候

咳逆者是咳嗽而氣逆上也氣爲陽流行府藏宜發腠理而氣肺之所上也咳病由肺虛感微寒所成寒搏於氣氣不得宣胃逆聚還肺肺則脹滿氣遂不下故爲咳逆其狀咳而胃滿而氣逆髀背痛汗出尻陰股肺踠筋<sub>戶</sub>切足皆痛

久咳逆候

肺感於寒微者則成咳嗽久咳嗽者是肺極虛故也肺既極虛氣還乘之故連年積月久

不瘥夫氣久逆不下則變身面皆腫滿表裏虛氣往來乘之故也

咳嗽上氣候

肺虛感微寒而成咳咳而氣還聚於肺肺則脹是爲咳逆也邪氣與正氣相搏正氣不得宣通但逆上喉咽之間邪伏則氣靜邪動則氣奔上煩悶欲絕故謂之咳逆上氣也

久咳逆上氣候

肺感於寒微者則成咳嗽久咳逆氣虛則邪

乘於氣逆奔上也肺氣虛極邪則停心時動時作故發則氣奔逆乘心煩悶欲絕少時乃定定後復發連滯經久也

### 咳逆上氣嘔吐候

五藏皆稟氣於肺肺感微寒則咳嗽也寒搏於氣氣聚還肺而邪有動息邪動則氣奔逆上氣上則五藏傷動動於胃氣者則胃氣逆而嘔吐也此是肺咳連滯氣動於胃而嘔吐者也又有季夏脾王之時而脾氣虛不能王

有寒氣傷之而咳嗽謂之脾咳其狀咳則右脇下痛痞痞引膊背甚則不可動動咳發脾與胃合脾咳不已則胃受之其狀咳嗽而嘔嘔甚則長蟲出是也凡諸咳嗽甚則嘔吐各隨證候知其府藏也

### 咳逆短氣候

肺虛爲微寒所傷則咳嗽嗽則氣還於肺間則肺脹肺脹則氣逆而肺本虛氣爲不足復爲邪所乘雍否不能宣暢故咳逆短乏氣也

痰飲候

痰飲者由氣脈閉塞津液不通水飲氣停在胃府結而成痰又其人素盛今瘦水走腸間漉漉有聲謂之痰飲其病也胃脇脹滿水穀不消結在腹內兩肋木入腸胃動作有聲體重多唾短氣好眠胃背痛甚則上氣欬逆倚息短氣不能卧其形如腫是也脈偏弦爲痰浮而滑爲飲

鬲痰風厥頭痛候

鬲痰者謂痰水在於胃鬲之上又犯大寒使陽氣不行令痰水結聚不散而陰氣逆上上與風痰相結上衝於頭卽令頭痛或數歲不巳久連腦痛故云鬲痰風厥頭痛若手足寒冷至節卽死

諸痰候

諸痰者此由血脈壅塞飲水積聚而不消散故成痰也或冷或熱或結實或食不消或胃腹否滿或短氣好眠諸候非一故云諸痰



流飲候

流飲者由飲水多水流走於腸胃之間漉漉有聲謂之流飲遇血氣否澀經絡不行水不宣通停聚溢於膀胱之間卽令人矩氣崩息遇冷亦能虛脹久不瘥結聚而成癰也

流飲宿食候

流飲宿食者由飲水過多水氣流行在脾胃之間脾胃得濕氣則不能消食令人噫則有宿食之氣腹脹滿亦壯熱或吞酸皆其候也

留飲候

留飲者由飲酒後飲水多水氣停留於胃鬲之間而不宣散乃令人脅下痛短氣而渴皆其候也

癖飲候

此由飲水多水氣停聚兩脅之間遇寒氣相搏則結聚而成塊謂之癖飲在脅下弦且起按之則作水聲

諸飲候

諸飲者皆由榮衛氣否滯三焦不調而因飲  
水多停積而成痰飲其爲病也或兩脅脹滿  
或心胃煩悶或眼暗口乾或嘔逆知氣諸候  
非一故云諸飲

### 懸飲候

懸飲謂飲水過多留注脇下令脇間懸痛咳  
唾引脇痛故云懸飲

### 肺萎候

肺主氣爲五藏上蓋氣主皮毛故易傷於風

邪風邪傷於府藏而血氣虛弱又因勞役人  
汗之後或經大下而亡津液津液竭絕肺氣  
壅塞不能宣通諸藏之氣因成肺萎也其病  
欬唾而嘔逆涎沫小便數是也欬唾咽燥欲  
飲者必愈欲欬而不能欬唾乾沫而小便不  
利者難治診其寸口脉數肺萎也甚則脉浮  
弱

### 千金方

### 肺痿

寸口脉數其人病欬口中反有濁唾涎沫出何也師曰此爲肺痿之病何從得之師曰病熱在上焦因欬爲肺痿或從汗出或從嘔吐或從瘡渴小便利數或從便難數被馱藥下重亡津液故得肺痿又寸口脉不出而反發汗陽脉早索陰脉不澀三焦踟躕入而不出陰脉不澀身體反冷其內反煩多唾唇燥小便反難此爲肺痿傷於津液便如爛瓜下如豚脛但坐發汗故也其病欲欬不得欬欬出

乾沫久久小便不利其脉平弱肺痿吐涎沫而不欬者其人不渴必遺溺小便數所以然者上虛不能制下故也此爲肺中冷必眩師曰肺痿欬唾咽燥欲飲者自愈自張口者短氣也

咳嗽

經云五臟六腑皆令欬肺居外而近上合於皮毛皮毛喜受邪故肺獨易爲欬也邪客於肺則寒熱土氣喘汗出欬動肩背喉鳴甚則

唾血肺欬經久不已傳入大腸其狀欬則遺糞腎欬者其狀引腰背痛甚則欬涎腎欬經久不已傳入膀胱其狀欬則遺尿肝欬者其狀左脅痛甚者不得轉側肝欬經久不已傳入膽其狀欬則清苦汁出心欬者其狀引心痛喉中介介如梗甚者喉痺咽腫心欬經久不已傳入小腸其狀咳則失氣脾欬者其狀右脅痛陰陰引肩背甚者不得動動則欬劇經久不已傳入胃其狀欬而嘔嘔甚則長蟲

出久欬不已三焦受之三焦欬之狀欬而腹滿不能飲食此皆聚於胃關於肺使人多唾唾而面浮腫氣逆也右順時有風寒令人觸胃解脫傷皮毛間入腑臟爲咳上氣如此也有非時忽然暴寒傷皮膚中與肺合則咳嗽上氣或曾脇又痛咳唾有血者是其熱得非時之寒暴薄之不得漸散伏結深喜肺癰也因欬服溫藥欬尤劇及壯熱吐膿血汗出惡寒是也天有非時寒者急看四時方也

夫久欬爲沫欬而時發熱脉在九菽一作者非虛也此爲胃中寒實所致也當吐之

夫欬家其脉弦欲行吐藥當相人強弱而無熱乃可吐耳欬家其人脉弦爲有水可與十棗湯下之方見不能卧出者陰不受邪故也

留飲欬者其人欬不得卧引項上痛欬者如小兒掣縱狀

夫酒客欬者必致吐血此坐久極飲過度所致也其脉沉者不可發汗久欬數歲其脉弱

者可治實大數者死其脉虛者必善冒其人本有支飲在胃中故也治屬飲家上氣汗出而欬屬飲家欬而小便利若失溺不可發汗汗出卽厥逆冷

夫病吐血喘咳上氣其脉數有熱不得卧者死寒家咳而上氣其脉數者死謂其人形損故也脉大而散散者爲氣實而血虛名曰有表無裏上氣而胸腫肩息其脉浮大不治加痢尤甚上氣躁而喘者屬肺脹欲作風水發

汗愈

痰飲

凡心下有水者築築而悸短氣而恐其人眩而癩先寒即為虛先熱即為實故水在於心其人心下堅築築短氣惡水而不欲飲水在於肺其人吐涎沫欲飲水水在於脾其人少氣身體盡重水在於肝脇下支滿噎而痛水在於腎心下悸

夫病人卒飲水多必暴喘滿凡食少飲多水

停心下甚者則悸微者短氣脉雙弦者寒也皆大下後喜虛耳脉偏弦者飲也肺飲不弦但喜喘短氣支飲亦喘而不能眠加短氣其脉平也留飲形不發作無熱脉微煩滿不能食脉沉滑者留飲病病有留飲者脅下痛引缺盆嗽轉甚其人咳而不得卧引項上痛咳者如小兒掣癰狀

夫胃中有留飲其人短氣而渴四肢歷節痛其脉沉者有留飲也心下有留飲其人背寒

冷大如手病人肩息上引此皆有溢飲在胃  
中久者缺盆滿馬刀腫有劇時此爲氣飲所  
致也膈上之病滿喘欬吐發則寒熱背痛惡  
寒口泣自出其人振振身矐劇必有伏飲病  
人一臂不隨時復轉移在一臂其脉沉細此  
非風也必有飲在上焦其脉虛者爲微勞榮  
衛氣不周故也冬自瘥一本作久病痰飲者  
當用溫藥和之

和劑指南

論痰飲咳嗽

### 論痰飲證候

諸痰飲不化留滯胃脘令頭目昏眩嘔惡不  
快腹中漉漉有聲可與消飲圓倍朮圓五苓  
散 有寒者與理中圓青州白朮子俞山人  
降氣湯 中酒渴及停飲嘔逆惡心者及頭  
痛或飲酒過多臂痛連腰痛不思飲食與新  
法半夏湯消飲圓倍朮朮辰砂化痰圓生氣  
湯快氣湯半夏圓天南星圓大養脾圓橘皮  
半夏湯小降氣湯

論咳嗽喘急

大抵欬嗽皆從肺出醫家細論發藥大略有三有因寒者有風者有熱者風寒則從外至熱則從內起風寒則諸經自受其邪熱則諸經腑臟或薰乘而為病風則散之寒則溫之熱則調之瀉是瀉肺經非瀉腑臟也當用葶藶桑白皮之類是也因風者遇風則嗽甚因寒者值寒則嗽劇因熱者遇熱則嗽即發更有一驗甚的但問遇夜飲酒時夜間如何若

喫酒後嗽甚則有熱也喫酒了嗽減則有寒也涎青白者有寒稠黃者有熱隨證發藥凡感風寒暴嗽咳唾稠粘胃膈不利可與金沸草散半夏丸欬花膏華蓋散五嗽圓潤肺圓欬肺散青金圓小兒潤肺散欬冬花散論寒嗽及復冷嗽或吐青痰遇夜嗽甚者可與細辛五味子湯養中湯五嗽圓俞山人降氣湯人參霍香湯胡椒理中圓溫脾細辛湯鍾乳補肺湯消飲圓倍木圓丁香半夏圓分



心氣飲參苓白朮散 惡風有寒者與小青  
菴圓兼服欵肺散人參欵花膏 論熱嗽育  
膈不快氣壅上盛臉赤口舌乾者可與金沸  
草散大阿膠圓人參養肺圓清心飲子人參  
欵花膏半夏圓華蓋散人參潤肺圓 風痰  
上膈壅熱咽乾及吐血者可與辰砂化痰圓  
大阿膠圓膈煎散人參養肺圓金沸草散青  
州白圓子川芎圓雞蘇圓 久病嗽及虛老  
人宜與溫肺圓人參補肺湯丁香半夏圓人

參藿香湯化痰圓 寒熱相交秋冬之間多  
有此證可與欵冬花散半夏圓華蓋散人參  
欵花膏人參潤肺圓小兒潤肺散青金圓潤  
金散壹貼作兩服老人尤可服 喘急氣促  
睡臥不得者與定喘湯瑞應圓膈煎散降氣  
湯欵花散潤金散人參養肺圓華蓋散之類  
唾膿血者與欵冬花散九仙散  
三因方

咳嗽敘論

人之所以滋養其身者唯氣與血呼吸定息  
衛氣之常失常則爲咳嗽津液流潤榮血之  
常失常則爲痰涎咳嗽吐痰氣血已亂矣顧  
世治嗽之藥極多而卒不能遍效者蓋其致  
病之因不一世謂五嗽且以五臟而言之要  
之內因七情外合六淫飲食起居房勞叫呼  
皆能單複綺互而爲病故經云五臟六腑感  
寒熱風濕皆令人咳又微寒微咳厲風所吹  
聲嘶發咳熱在上焦咳爲肺痿秋傷濕冬咳

嗽皆外所因喜則氣散怒則氣激憂則氣聚  
思則氣結悲則氣緊恐則氣劫驚則氣亂皆  
能發咳卽內所因其如飲食生冷房勞作役  
致嗽尤多皆不內外因其可一法而治之治  
之當推其三因隨脉證治療散之下之溫之  
吐之以平爲期

外因證治

傷風咳者增寒壯熱自汗惡風口乾煩燥傷  
寒咳者增寒發熱無汗惡寒煩燥不渴傷暑

咳者煩熱引飲口燥或吐涎沫聲嘶咯血傷  
濕咳者骨節煩疼四肢重著洒洒淅淅並屬  
外所因診其脉浮爲風緊爲寒數爲熱細爲  
濕隨其部位與人迎相應推其臟腑則見病  
源也

內因咳嗽證

喜傷心者咳而喉中介介如腫狀甚則咽腫  
喉痺名爲心咳不已則小腸受之小腸咳狀  
與氣俱失怒傷肝者咳而兩脇下痛甚則不

可不轉轉則兩胠下滿名爲肝咳不已則膽  
受之膽咳之狀咳嘔膽汁思傷脾者咳而右  
脇下痛陰陰引肩背甚則不可以動名爲脾  
咳不已則胃受之胃咳之狀咳而嘔嘔則長  
虫出憂傷肺者咳而喘息有聲甚則唾血名  
爲肺咳不已則大腸受之大腸咳狀咳而遺  
尿恐傷腎者咳而腰背相引痛甚則咳涎名  
爲腎咳不已則膀胱受之膀胱咳狀咳而遺  
溺久咳不已則三焦受之三焦咳狀咳而腹

滿不欲食此等皆聚於胃關於肺肺取脰俞最近故內因多先有所感世人並名肺咳嗽也並屬內所因診其脉隨其部位與氣口相應浮緊則虛寒沉數則實熱弦濇則少血洪滑則多痰之此類推無施不可

不內外因咳嗽

病者咳嗽發作寒熱引腰背痛或復喘滿此因房勞傷腎病者中滿腹脹搶心痛不欲食此因飢飽傷脾病者咳嗽左脇偏疼引小腹

并膝腕疼此因疲極傷肝病者咳嗽吐白涎口燥聲嘶此因叫呼傷肺病者咳嗽煩熱自汗咽乾咯血此因勞神傷心並屬不內外因診其脉隨其類假如尺脉汗濇而數則知傷腎右關脉濡則知飲食傷脾左關脉弦短則知疲極傷肝但不應人迎氣口者卽是不內外因皆可類推

痰飲敘論

人之有痰飲病者由榮衛不清氣血敗濁凝

類聚百品  
結而成也內則七情泊亂藏氣不行鬱而上  
涎涎結爲飲爲內所因外有六淫侵胃玄府  
不通常汗不泄蓄而爲飲爲外所因或飲食  
過傷嗜慾無度叫呼疲極運動失宜津液不  
行聚爲痰飲屬不內外因三因所成證狀非  
一或爲喘或爲咳爲嘔爲泄暈眩嘈煩忪悸  
怕懼寒熱疼痛腫滿癱瘓閉痞隔如風如  
癩未有不由痰飲之所致也

### 痰飲證論

古方唯分四飲六證不說三因不知其因病  
源無自觀夫治飲之法既用大小青竜桂枝  
防已五苓承氣得非外因參苓苓朮八味參  
蘇得非內因十棗葶藶大小半夏控涎破飲  
不內外因理固明矣以此推求頗得倫類今  
敘列諸證以爲治門須原本因施用湯藥學  
者自宜詳審所謂四飲者卽懸飲溢飲支飲  
痰飲是也懸飲者飲水流在脇下咳唾引痛  
溢飲者飲水流於四肢當汗出而不汗身體

疼重支飲者咳逆倚息短氣不得臥其形如  
腫痰飲者其人素盛今瘦腸間漉漉有聲又  
有留飲者背寒如手火或短氣而渴四肢歷  
節疼脇下痛引缺盆咳嗽則轉甚又有伏飲  
者膈滿喘咳嘔吐發則寒熱腰背痛目淚出  
其人振振惡寒身暈惕故曰四飲生六證或  
云五飲者卽留飲伏飲合爲一證是也其脉  
皆弦微沉滑治之之法懸飲當下之溢飲當  
發其汗支飲則隨證汗下痰飲則用溫藥從

小便去 其間或隨氣上厥伏留陽經使人  
嘔吐眩暈背寒或一臂不隨有類風狀不可  
不知

神巧萬全方

欬嗽摠論

經言五藏六府皆有欬嗽蓋各因其時而感  
其寒故受病不同形證亦異謂乘秋而得之  
者肺先受病肺嗽之狀嗽而喘息有音聲甚  
則唾血乘夏而得之心先受病心嗽之狀心

痛喉中介介如鯁甚則咽腫喉痺乘春得之者肝先受病肝嗽之狀咳則兩脇下痛甚則不可轉動兩脇下滿乘季夏得之者脾先受病脾嗽之狀咳則兩脇下痛陰陰引背膊甚則不可動動則輒嗽乘冬而得之者腎先受病腎嗽之狀則腰背相引而痛甚則嗽而多唾若如所論則五藏各於王月而生病也夫當王固不當病今反病者是當王而不能王也以其不能王故風邪易傷之也五藏嗽久

則傳與六府故脾嗽不已則傳之胃胃嗽之狀嗽而嘔甚則長虫出肝嗽不已則傳之膽膽嗽之狀嗽則吐膽汁肺嗽不已則傳之大腸大腸嗽之狀嗽而人腸洩利心嗽不已則傳之小腸小腸嗽之狀嗽而失氣氣與嗽俱出腎嗽不已則傳之膀胱膀胱之狀嗽而遺溺嘗究此說理甚通明然暴嗽之病在肺爲多何則肺主氣合於皮毛風邪之入先客於皮毛故也况五藏六府又皆稟氣於肺故暴

嗽病多在於肺治者能別其冷熱之候尤爲善醫大抵嗽病脉浮大者生沉小伏匿者死又有十咳之證夫欲語因欬言不得盡謂之風欬飲冷食寒因之而咳謂之寒咳心下堅滿欬則引痛其脉返遲謂之支欬欬則引腹下痛謂之肝欬欬而唾血引手少陰謂之心欬欬則七出續續不止引小腹謂之脾咳欬引頸項而唾涎沫謂之肺欬欬則耳無所聞引腰臍中痛謂之腎欬咳而引口中頭痛口

苦謂之膽欬欬而引舌本謂之厥陰欬留飲欬者其人欬不得卧引頸上欬時如小兒掣縱狀夫久欬家爲療風者不下之寒欬支欬肺欬心欬脾欬刺足大都肺欬刺手少商腎欬刺足少陰膽欬刺足陽陵泉厥陰欬刺足大指三毛中欬而時發熱脉在平弦者非虛此爲胸中寒實所致也當吐之夫欬家其將欲行吐藥當相人強弱而無熱可吐耳欬家其人脉弦者爲有水可與十棗湯下之不能



卧者陰不受邪故也夫有支飲家欬煩胸中痛者不卒死至一百日一歲可與十棗湯方千金

### 痰病方論

古方論痰有四種有痰飲有懸飲有溢飲有支飲有痰癖有痰冷有痰熱有痰厥有痰實候夫痰飲之候其人素盛令瘦胸脇脹滿水穀不消結在腹脇水入腸胃漉漉有聲身重多唾短氣好眠甚則上氣嘔逆其形如腫以

其飲水留滯而成痰也下後水留在脇下咳唾引痛謂之懸飲飲水過多溢行四肢當汗出而不汗出身重謂之溢飲其人咳逆倚息短氣不得卧其形如腫謂之支飲留飲者其人背寒手足冷噫氣酸臭腹滿吞酸是也痰癖之候飲水停聚在於脇肋痠癖而痛時有小聲痰冷之候痰水結聚停在胃膈令人吞酸氣逆四變青不能飲食痰熱之候身體虛熱逆喜飲水蓋由陰陽否膈飲食不散熱氣

與痰水相搏而成也痰厥之候由痰水結聚  
陰氣逆上衝於頭目令人頭痛胃滿短氣嘔  
吐白沫痰實之候心腹痛滿氣息不利頭痛  
目眩常欲嘔逆或發寒熱大抵諸候皆由氣  
脈閉塞津液不通所致也  
斷病提綱

### 痰飲詩

原氣資始胃資成動應三焦與榮衛呼吸周  
營氣脈通腑臟安和無變異或然水穀不宣

行胃氣虛弱三焦否結成痰飲聚胃中嘔吐  
眩暈心忪悸寒熱喘嗽氣衝衝筋脈拘攣肢  
體痺流入脾家腹滿膨伏於中脘疼攻臂懸  
留支溢四名分隨證斟量為施治

### 喘歌

榮衛循行失度時氣經於臟不容之併於肺  
腕還生喘虛實源流盡可知肺脹上氣咽中  
塞自汗欲嘔為肺實右手寸口氣口前陰脈  
應指來有力無力應知是肺虛咽乾少氣難

通息脉之與證兩叅詳隨病投湯無過失墜  
墮恐懼內傷肝精却氣閉不循環因驚神散  
心無倚氣亂於中決有干渡水跌撲卒暴傷  
氣不通行積腎堂飲食過傷無擗節或因動  
作醉行房傷於脾胃乘於肺五臟相干各異  
端大率唯憑何藥療團參圓出指迷方喘而  
咽內小雞聲舉動之餘氣上奔不得低頭時  
欲欬寒邪客搏肺之經痰停胃腕氣逆上旋  
復花圓妙若神治屬飲家爲上氣病源具載

義分明更有久喘并勞喘形證多端須細辨  
肺癰作喘吐粥膿欬唾痰中兼血片胷中隱  
隱痛無時口燥咽乾水不嚥一身面目悉皆  
浮時或振寒如發戰始萌可治不須憂膿成  
病極防傳變葶藶大棗瀉肺湯三因極一方  
稱善肺痿喘滿小便難唾中出血涎不止大  
便利下片豚肝身冷內煩形證異多因發汗  
利小便重亡津液之所致熱衝華蓋作痿癰  
金數盡于陽九位爲宜清潤肺之經慎勿妄

投他藥治

直指方

痰涎方論

惟氣與血能生諸病痰亦如之夫痰者津液之異名人之所恃以潤養肢體者也血氣和平關絡條暢則痰散而無氣脉閉塞腕竅凝滯則痰聚而有痰之所以發動者豈無自而然哉風搏寒凝暑煩濕滯以至諸熱蒸鬱啖食生冷煎煇鯉鱸鹹藏動風發氣等輩皆能

致痰也是痰作恙爲喘爲嗽爲壅爲嘔爲眩暈爲風癇爲狂迷爲忪悸或吞酸或短氣或痞隔或腫脹或寒熱或疼痛痰實主之人知痛生於氣血孰知痰涎流注亦能纏滯而爲痛乎如頭風證眉稜耳角俱痛投以風藥不效投以痰藥收功如患眼證赤腫羞明而痛與之涼劑弗廖與之痰劑獲愈如酒家手臂痛重時或麻痺二陳湯加片子薑黃下白圓子消飲圓倍木圓輩每每就安如鬪家胷骨

撲傷刺痛無已散而之劑罔功續以自巳溲  
便飲之須臾吐痰其痛立止此皆痰涎作痛  
之明證也然而頑痰滿胃上脘填塞其高者  
因而越之法當從權取吐或者津液不守所  
以痰多吐甚痰脫則精竭而斃矣療痰之法  
理氣爲上和胃次之若風若寒若濕若熱如  
前數者亦當推尋所受之因和胃謂何涎者  
脾之液也脾胃一和痰涎自散故治痰多用  
半夏蓋半夏能利痰故也

### 咳嗽方論

江流滔滔日夜無聲狂瀾激石不平則鳴所  
所咳嗽者痰塞胃脘氣逆不下衝擊而動肺  
耳然亦何以致此哉曰感風傷冷挾熱受濕  
瘀血停水與夫肺實肺虛皆能壅痰而發嗽  
也夫肺爲嬌臟外主一身之皮毛內爲五臟  
之華蓋形寒飲冷最易得寒燥氣鬱蒸最易  
生熱惟其易爲冷熱所以內外交侵動則邪  
氣窒塞矣此非不平而鳴乎感風者鼻塞聲

重傷冷者淒清怯寒挾熱爲焦煩受濕爲纏  
滯瘀血則膈間腥悶停水則心下怔忡或實  
或虛痰之黃白唾之稀稠從可知也治嗽大  
法肺脉浮爲風邪所客以發散取之肺脉實  
爲氣壅內熱以清利行之脉濡散爲肺虛以  
補肺安之其間久嗽之人曾經解利以致肺  
胃俱寒飲食不進則用溫中助胃加和平治  
嗽等輩至若酒色過度虛勞少血津液內耗  
心火自炎遂使燥熱乘肺咯唾膿而上氣涎

潮其嗽連續而不已惟夫血不榮肌故邪在  
皮毛皆能入肺而自背得之尤速此則人參  
芎歸所不可無一種傳注病涉邪惡五臟反  
尅毒害尤深近世率用蛤蚧天靈蓋桃柳枝  
丹砂雄黃安息香蘇合香圓通神之劑然則  
咳嗽證治於此可以問津索途矣抑猶有說  
焉肺出氣也腎納氣也肺爲氣之主腎爲氣  
之藏凡咳嗽暴重動引百骸白覺氣從臍下  
逆奔而上者此腎虛不能收氣歸元也當以

補骨脂安腎圓主之母徒從事於寧肺 諸  
氣諸痰咳嗽喘壅之煩須用枳殼爲佐枳殼  
不惟寬中又能行其氣氣下痰下他證自平

喘嗽方論

肺主氣也一呼一吸上升下降榮衛息數往  
來流通安有所謂喘惟夫邪氣伏藏癡涎浮  
湧呼不得呼吸不得吸於是上氣促急填塞  
肺腕激亂爭鳴如鼎之沸而喘之形狀具矣  
有肺虛挾寒而喘者有肺實挾熱而喘者有

水氣乘肺而喘者有驚憂氣鬱肺脹而喘者  
又有胃絡不和喘出於陽明之氣逆真元耗  
損喘生於腎氣之上奔如是等類皆當審證  
而主治之肺虛肺寒必有氣乏表怯冷痰如  
冰之證法當溫補如官桂阿膠之類是也肺  
實肺熱必有壅盛胃滿外閉上炎之狀法當  
清利如桑白皮亭歷之類是也水氣者漉漉  
有聲怔忡浮腫與之逐水利小便如小半夏  
茯苓湯五苓散葦驚憂者惕惕悶悶引息鼻

張與之寬中下氣如四七湯桔梗枳殼湯輩  
陽明之氣下行今逆而上行古人以通利爲  
戒如分氣紫蘇飲指迷七氣湯加半夏二陳  
湯加縮砂施之爲當真陽虛憊腎氣不得歸  
元固有以金石鎮墜助陽接真而愈者然亦  
不可峻驟且先與安腎圓入味圓輩否則人  
參煎湯下養正丹主之雄黃麻黃馬兜零漢  
防已雞內金諸品非不主喘也如前治法大  
要究其受病之原至若傷寒發喘表汗裏下

脚氣喘滿疏導收功此則但療本病其喘自  
安圓機之士可以舉隅而反矣雖然喘有利  
下而愈者亦有因瀉而殂者喘有數年沉痾  
而復瘳者亦有忽因他疾大喘而不救者汗  
山髮潤喘者爲肺絕身汗如油喘者爲命絕  
直視讖語喘滿者不治諸有篤病正氣欲絕  
之時邪氣盛行多壅逆而爲喘然則喘之危  
惡又安可以尋常目之

朱氏集驗方



痰飲評

人之一身無非血氣周流痰亦隨之夫痰者津液之異名流行於上者爲痰飲散周於下者爲精液其所以使之流行於上下者亦氣使之然耳大抵氣滯則痰滯氣行則痰行故三生飲佐之以木香無有不效人之氣道貴乎順順則津液流通決無痰飲之患一失其宜則氣道閉塞停飲聚於膈上結而成痰其爲喘爲嗽爲壅爲嘔爲眩暈爲風癇爲狂迷

爲忪悸或吞酸或短氣或痞隔或腫脹或寒熱或疼痛其證不一假如頭風證眉稜耳角俱痛治以風則不效治以痰則收功又如飲酒之人有時臂痛時或麻痺治以二陳湯白元子消飲丸無不作効療痰之法調氣爲上和胃次之故治痰多用半夏蓋半夏性利以其能利痰飲醫者當以意療詳加審問焉

喘有冷熱方論

人有喘疾不可一槩治之須分陰陽病發於

冬寒冷病也病發於暑月熱病也冷病服豉  
霜元清中湯煮肺散熱病服青杏蛤蚧元之  
類孫大資梓料湯不拘冷熱皆可服

### 水喘方論

有人先因咳嗽發喘胃膈注悶難於倒頭氣  
上湊者宜早利水道化痰下氣若不早治必  
成水喘宜服紫金丹病人水在膜外切不可  
鍼鍼透膜初時稍愈再來卽不可治  
嚴氏濟生方

### 喘論治

素問云諸氣者皆屬於肺諸喘者亦屬於肺  
是以人之一呼一吸謂之息呼吸之間脾受  
其氣通乎榮衛合乎陰陽周流一身無過不  
及然後權衡得其平矣將理失宜六淫所傷  
七情所感或因墜墮驚恐度小跌仆飽食過  
傷動作用力遂使臟氣不和榮衛失其常度  
不能隨陰陽出入以成息促迫於肺不得宣  
通而爲喘也診其脉滑手足溫者生脉瀦四

肢寒者死數者亦死謂其形損故也更有產後喘急爲病尤亟因產所下過多榮血暴竭衛氣無所主獨聚於肺故令喘急謂之孤陽絕陰爲難治醫療之法當推其所感詳其虛實冷熱而治之如產後喘急已載于婦人門難產中矣茲不再敘亦有痰停胃脫痰與氣搏肺道壅塞亦令人上氣此又不可不知

### 咳嗽論治

夫咳嗽者古人所謂咳嗽是也蓋皮毛者肺

之合也皮毛先受邪氣邪氣以從其合也又經云五臟六腑皆令人咳非獨肺也由是觀之皮毛始受邪氣邪氣先從其合然後傳爲五臟六腑之咳外則六淫所傷內則七情所感連滯歲月致傷五臟遂成勞咳者多矣且傷於風者憎寒身熱自汗惡風而咳傷於寒者憎寒身熱無汗惡寒而咳傷於暑者煩渴引飲而咳傷於濕者骨節煩疼四肢重著而咳喜傷心者喉中介介如梗狀甚則咽腫喉

痺謂之心咳怒傷於肝者兩脇下痛甚則兩  
肘下滿謂之肝咳思傷脾者右脇下痛痛引  
肩背甚則不可以動動則咳劇謂之脾咳思  
傷於腎者腰背相引而痛甚則咳涎謂之腎  
咳憂傷於肺者喘息有音甚則唾血謂之肺  
欬臟咳不已則腑受之心咳不已小腸受之  
咳與氣俱失肝欬不已膽受之咳嘔膽汁脾  
咳不已胃受之咳而嘔嘔甚則長虫出肺咳  
不已大腸受之咳而遺失腎咳不已膀胱受

之咳而遺溺久咳不已三焦受之咳而腹滿  
不欲食此皆聚於胃關於肺使人多涕唾而  
面浮腫氣逆也又况房勞過度飢飽失宜疲  
極叫呼勞神傷心皆令人咳夫咳嗽之脉浮  
大者生沉小伏匿者死治療之法當推其所  
自而調之無不效者矣今人治咳多喜用鶯  
粟殼烏梅之類殊不知鶯粟殼其性緊澁烏  
梅味酸乃傷脾之劑脾胃壯實者服之猶可  
脾胃稍弱者未見其效穀氣先有所損矣能

慎此者庶免後患也

### 痰飲論治

飲凡有六即懸飲溢飲支飲痰飲留飲伏飲  
巢氏載之詳矣龐安常云人身無倒上之痰  
天下無逆流之水誠哉斯言以此思之人之  
氣道貫乎順順則津液流通決無痰飲之患  
調攝失宜氣道閉塞水飲停於胃府結而成  
痰其爲病也證狀非一爲喘爲咳爲嘔爲泄  
爲眩暈心嘈怔忡爲憤懣寒熱疼痛爲腫滿

欒癰爲癰閉痞隔未有不山痰飲之所致也  
診其脉偏弦爲飲浮而滑亦爲飲也觀夫治  
飲之法或下或汗或溫或利此固定法愚者  
之見溫利之差可以無害汗下之錯爲病不  
淺矣不若順氣爲先分導痰之氣順則津液  
流通痰飲運下自小便中出有病喜吐痰唾  
服入味圓而作效者亦有意焉王叔和云腎  
寒多唾蓋腎爲水之官腎能攝水腎氣溫和  
則水液運下腎氣虛寒則邪水溢上其間用

山茱萸山藥輩取其補附子肉桂取其溫茯苓澤瀉取其利理亦當矣臨病之際又加詳審焉

嚴氏濟生續方

喘嗽評治

夫喘者上氣也嗽者古人所謂欬也經云諸氣者皆屬於肺肺主皮毛皮毛先受邪氣邪氣以從其合也則知喘嗽之疾關係乎肺明矣但久嗽不已傳於五藏六府至於三焦病

之極也前書所載論治洞究其源茲舉大略不復再敘續添已效之方具列于后臨病之際又加審訂對證用之以平爲期  
管見大全良方

中痰證治

若手足羸曳口眼喎斜或一邊身體不隨或手足身中有一點釣痛腸鳴多睡口中多流唾涎此是中痰也宜以參蘇飲及控涎丹或星香飲子皆效

痰證治

若憎寒發熱惡風自汗胃膈痞滿而頭不疼  
項不强寸尺脉浮此爲有痰也宜以金沸草  
散非崩方者參蘇飲吉皮半夏湯

停痰積飲證治

若停痰積飲不化留滯胃脘令人頭目昏眩  
嘔惡不快腹中漉漉有聲可與消飲丸倍水  
丸五苓散 有寒者可與理中湯俞山人降  
氣湯青州白丸子 或有因飲酒過多停飲

嘔渴惡心或有臂痛腰背痛不思飲食者可  
與新法半夏湯消飲丸天南星丸參蘇飲加  
乾葛煎服

食積證治

若頭疼發熱惡寒身不疼痛左手脉和平氣  
口脉緊數者此爲傷食也宜以治中湯五積  
散主之

虛煩證治

若不惡寒身不疼痛頭不疼脉不緊數但煩

熱者虛煩訂也輕者宜溫膽湯重者可與竹葉石膏湯

儒門事親

飲當去水溫補轉劇論

留飲止證也不過蓄水而已王氏脉經中派之爲四痰飲懸飲支飲溢飲千金方又派之爲五飲皆觀病之形狀而定名也今予皆不論此論飲之所得其來有五有憤鬱而得之者有困乏而得之者有思慮而得之者有痛

飲而得之者有熱時傷冷而得之者飲證雖多無出于此夫憤鬱而不得伸則肝氣乘脾脾氣不滯故爲留飲肝主慮久慮而不決則飲氣不行脾主思久思而不已則脾結故亦爲留飲人因勞役遠來乘困飲水脾胃力衰因而嗜臥不能布散於脉亦爲留飲人飲酒過多腸胃已滿又復增之胞經不及滲泄久久如斯亦爲留飲因隆暑津液焦涸喜飲寒水本欲止渴乘快過多逸而不動亦爲留飲



人若病飲者豈能出此五者之外乎夫水者陰物也但積水則生濕停酒則發燥久則成痰在左脇者同肥氣在右脇者同息貫上入肺則多嗽下入大腸則爲瀉入腎則爲涌水濯濯如囊漿上下無所之故在太陽則爲支飲皆由氣逆而得之故濕在上者目黃面浮在下者股膝腫厥在中者支滿痞隔痰逆在陽不去者久則化氣在陰不去者久則成形今之川方者例言飲爲寒積皆川濕熱之齊

以補之燥之夫寒飲在中反以熱藥從上投之爲寒所拒水濕未除反增心火火既不降水反下注其上焦枯其下寒慄內經曰出入廢則神機化滅升降息則氣立孤危渠不信夫况乎留飲下無補法氣方隔塞補則轉增豈知內經所謂留者攻之何後人不師古之甚也且以白朮參苓飲者服之尙加悶塞况燔鍼艾火其痞可知前人處五飲凡三十余味其間有礬石芭荳附子烏頭雖是下攻終

同燥熱雖亦有寒藥相參力孤無援故今代  
劉河間依仲景十棗湯製三花神祐丸而加  
大黃牽牛新得之疾不三五十塊氣流飲去  
昔有病此者數十年不愈予診之左手脉三  
部皆微而小右手脉三部皆滑而大微小爲  
寒滑大爲燥余以芩帶散湧其寒痰數升汗  
出如沃次以導水禹功去腸胃中燥垢亦數  
升其人半愈然後以淡齊流其余蘊以降火  
之齊開其胃口不踰月而痊夫黃連黃蘗可

以清上燥濕黃耆茯苓可以補下滲濕二者  
可以收後不可以先驅復未盡者可以苦葶  
塵杏仁桑白皮椒目逐水之藥伏水皆去矣  
夫治病有先後不可亂投邪未去時慎不可  
補也大邪新去恐反增其氣轉甚於未治之  
時也昔河內有人病飲醫者斷爲脾濕以木  
香牽牛二味散之下十余行因給病人復變  
散爲丸又下十余行復變丸爲散又十余行  
病者大困睡幾一晝夜既覺腸胃寬潤惟思

粥食十許日良愈雖同斷爲濕但補瀉不同其差至此內經曰歲上太過雨濕流行腎水受邪甚則飲發中滿太陽司天濕氣變物水飲內畜中滿不食注云此年太陰在泉濕監於地病之原始地氣生焉少陰司天濕土爲四之氣民病軌衄飲發又土鬱之發民病飲發注下附腫身重又太陰所至爲積飲否隔又太陰所至畜滿又太陰之勝與太陰之復皆云飲發于中以此考之土主濕化不主寒

水主寒化不主濕天多黔雨地有積潦皆以爲水在內經屬土冰霜凝沍風氣凄凜此水之化也故曰丑未太陰濕土辰戌太陽寒水二化本自不同其病亦異夫濕土太過則飲發于中今人以爲脾土不足則軒岐千古之書可從乎不可從乎  
嗽分六氣母拘以寒述  
嗽與咳一證也後人或以嗽爲陽欬爲陰亦無考據且內經欬論一篇純說嗽也其中無

欬字由是言之欬卽嗽也嗽卽欬也陰陽應象大論云秋傷於濕冬生咳嗽又五臟生成篇云咳嗽上氣又診要經終云春刺秋分環爲咳嗽又示從容篇云咳嗽煩寃者腎氣之逆也素問惟以四處連言咳嗽其餘篇中止言咳不言嗽乃知咳嗽豈證也或言嗽爲別一證如傷寒書中說欬逆卽咽中作梯磴之聲者是也此豈說非內經止以嗽爲咳生氣通天論云秋傷於濕上逆而欬與大象論文

義同而無嗽字乃知欬卽是嗽明矣余所以苦論此者孔子曰必也正名乎嗽之爲病自古歸之肺此言固不易也素問言肺病喘咳逆又曰欬嗽上氣厥在胃中過在手太陰陽明靈樞十二經惟太陰肺經云肺脹滿膨膨而喘欬內經則不言素問欬論雖言五臟六府皆有欬要之止以肺爲主素問言皮毛者肺之合也皮毛先受邪氣注云邪謂寒氣經又曰邪氣以從其合也其寒飲食入胃從脾

脉上至于肺則肺寒肺寒則內外合邪因而  
客之則爲肺咳後人見是言斷嗽爲寒更不  
參較他篇豈知六氣皆能嗽人若謂欬止爲  
寒邪何以歲火太過炎暑流行金肺受邪民  
病咳嗽歲木不及心氣晚治上勝肺金欬而  
孰從革之紀金不及也其病嚏咳堅成之紀  
金太過也上徵與正商同其病咳少陽司天  
火氣下臨肺金上從咳嚏衄少陽司天火淫  
所勝咳唾血煩心少陽司天主勝則胃滿欬

少陽司天二之氣熱鬱於上咳逆嘔吐三之  
氣炎暑至民病欬嘔終之氣陽氣不藏而咳  
少陽之復枯燥煩蕪驚癢咳衄甚則欬逆而  
血泄少陰司天熱氣生于上清氣生于下寒  
熱凌犯而生于中民病咳喘三之氣天政布  
大火行餘火內格腫于上咳喘甚則血溢少  
陰司天客勝則軌嚏甚則咳喘少陰之復燥  
熱內作氣動於左上行於右咳皮膚痛則入  
肺咳而鼻淵若此之類皆生於火與熱也豈

可專於寒乎謂咳止於熱與火耶厥陰司天  
客勝則耳鳴掉眩甚則咳若此之類乃生於  
風豈可專於熱與火也謂咳專於風耶太陰  
司天濕淫所勝咳唾則有血太陰之復濕變  
乃舉飲發于中咳喘有聲若此之類乃生於  
濕豈可專於風也謂咳止於濕耶金鬱之發  
民病咳逆心脇痛歲金太過燥氣流行肝木  
受邪民病咳喘逆逆甚而嘔血陽明司天金  
火合德民病咳喘壅塞陽明司天燥淫所勝咳

腹中鳴陽明司天清復內餘則咳衄壅塞心  
膈中熱咳不止而目血出者死湯明之勝清  
發于中壅塞而咳陽明之復清氣大舉咳噦  
煩心若此之類皆生于燥豈可專於濕也謂  
咳止於燥耶太陽司天客氣勝則胃中不利  
出清涕感寒則咳若此之類乃生於寒豈可  
專於燥也又肺風之狀多汗惡風色皤然白  
時咳短氣晝日則差夜暮則甚亦風咳也勞  
風咳出青黃涕其狀如膿大如彈丸亦風咳

也有所亡失所求不得則發肺鳴鳴則肺熱  
葉焦亦熱咳也陽明厥逆喘咳身熱亦熱咳  
也一陽發病少氣善咳亦火咳也喘咳者水  
氣并於陽明亦溫咳也風水不能正偃正偃  
則咳亦溫咳也腎氣腹大脛腫喘咳身重亦  
溫咳也脾痺者四支解墮欬嘔汁上爲大  
寒亦寒咳也咳之六氣固然可以辨其六者  
之狀 風乘肺者日夜無度汗出頭痛涎痰  
不利非風咳之云乎 熱乘肺者急喘而嗽

面赤潮熱手足寒乳子亦多有之非暑咳之  
云乎 火乘肺者欬喘上壅涕唾出血甚者  
七竅而溢非火欬之云乎 燥乘肺者氣逆  
不利百節內痛頭面汗出寒熱往來皮膚乾  
枯細瘡燥痒大便秘澀涕唾稠黏非燥欬之  
云乎 寒乘肺者或因形寒飲冷冬月坐臥  
濕地或冒冷風寒秋冬水中感之嗽急而喘  
非寒欬之云乎其治法也風之嗽治以通聖  
散加半夏大人參半夏尤甚者汗之暑之嗽

治以白虎湯洗心散涼膈散加蜜一日爲呷  
之火之嗽治以黃連解毒湯洗心散三黃丸  
甚者加以鹹寒大下之濕之嗽治以五苓散  
桂苓甘露散及白朮丸甚者以三花神祐丸  
下之燥之嗽治以木香葶藶散大黃葶連阿  
膠丸甚者以鹹寒大下之寒之嗽治以寧神  
散寧肺散有寒痰在上者以芫薺散越之此  
法雖已幾於萬全然老幼強弱虛實肥瘦不  
同臨時審定權衡可也病有變態而吾之方

亦與之俱變然則枯槁乾薑烏梅鶯粟殼其  
誤入也不爲少矣嗚呼有人自幼咳嗽至老  
不愈而亦不死者余平生見此等無限或小  
年咳嗽不計男女不數月而殞者亦無限矣  
夫寧神寧肺散此等之人豈有不曾服者哉  
其不愈而死者以其非寒嗽故也彼執欬冬  
花佛耳草至死不移者雖與之割席而坐可  
也曹魏時軍吏李成苦欬嗽晝夜不寐時時  
膿血華佗以謂欬之所吐非從肺來以苦齊



兩錢匕吐膿血二升餘而差若此之嗽人不  
可不知也  
治病百法

痿

夫男女年少而黃身熱肌瘦寒熱往來如瘧  
更加涎嗽不止或喘滿面浮此名曰肺痿可  
川獨聖散吐之吐訖次用人參柴胡飲子小  
柴胡飲子加當歸桂苓甘露散之類內經曰  
男女之病皆同也男子精不足是味不化也

女子血不流是氣不月也又曰形不足者溫  
之以氣精不足者補之以味是也

上喘中滿

夫上喘中滿醋心腹脹時時作聲吞氣上下  
不可宣暢叔和云氣壅三焦不得昌是也可  
用獨聖散吐之吐訖次用導水禹功輕瀉三  
五行不愈更以利鬲丸瀉之使上下宣通不  
能壅滯後服平胃散五苓散益元散桂苓甘  
露散三和散分陰陽利水道之藥則愈矣

一切涎嗽

夫富貴之人一切涎嗽是飲食厚味熱痰之致然也先用獨聖散吐之吐訖可服人參散通聖散加半夏以此止嗽更服大人參半夏丸以之化痰也大忌酸鹹油膩生硬熱物也

咳嗽

夫貧難之人欬嗽內外感風冷寒濕之致然也內經曰秋傷於濕冬生欬嗽可服寧神散寧肺散加白朮之類則愈矣忌法同前

風痰

夫風痰酒痰或熱在膈上頭目不清涕唾稠粘或欬嗽上喘時發潮熱可用獨聖散吐之吐訖可服搜風丸涼膈散之類內經曰流濕潤燥是也  
十形三療

痰厥

一夫病痰厥不知人牙關緊急諸藥不能下候死而已戴人見之問侍病者口中曾有涎

否曰有戴人先以防風藜蘆煎湯調芫薺末灌之口中不能下乃取長蛤甲磨去刃以紙裹其尖灌於右鼻竅中咽然下咽有聲復灌其左竅亦然戴人曰可治矣良久涎不出遂以砒石壹錢又投之鼻中忽偃然仰面似覺有痛斯須吐噦吐膠涎數升頗腥砒石尋常勿川以其病大非如此莫能動然無芫薺亦不可使用宜消息之大凡中風涎塞往往止斷爲風專求風藥靈寶至寶誤人多矣劉河

間治風捨風不論先論二火故今將此法真於火形中

勞嗽

馳口鎮一男子年二十余歲病勞嗽數年其聲欲出不出戴人曰問曾服藥否其人曰家貧未嘗服藥戴人曰年壯不妄服藥者易治先以苦齊涌之次以舟車瀉川大下之更服重齊果差

一田夫病勞嗽一涌一泄已減大半次服人

留飲

郭敬之病留飲面目浮腫不能食脚腫連腎囊痛先以苦齊涌之後以舟車丸濬川散瀉之病去如拾遺又棠谿張鳳村一田叟姓楊其病嘔酸水十余年本留飲諸醫皆以燥齊燥之中脘臍脘以火艾燔鍼刺之瘡未嘗合戴人以苦齊越之其涎如膠乃出二三升談笑而愈

治法雜論

凡人病痰發者其證不一蓋有五焉一曰風痰二曰熱痰三曰濕痰四曰酒痰五曰味痰諸痰在於膈上使頭目不能清利涕唾稠粘或咳唾喘滿或時發潮熱可用獨聖散吐之次服加減飲子或疏風丸間而服之內經曰所謂流濕潤燥之義也

凡人病痰證發者比前論更多有三證顯證共成五也一曰風痰二曰熱痰三曰濕痰四曰酒痰五曰食痰諸痰在於上焦毒薰於頭

者諸陽之會首也故令病人頭重目澁涕唾稠粘或咳嗽喘滿時發寒熱可用赤小豆湯吐之吐後各隨其證而治之可服消風去熱導濕化痰者可服通聖加半夏導氣之劑豈不妙哉如新暴風痰者形寒飲冷熱痰者火盛制金濕痰者停飲不散可服加減連翹飲子除濕丹無憂散亦有酒痰者解毒三聖丸主之五者食痰可用漢防已丸丹砂選而治之若依法服之決有神効

宣明論

痰飲

夫嗽者五臟皆有嗽皆因內傷脾胃外感風邪皮毛屬肺風寒隨玄府而入腠理開張內外相合先傳肺而入遂成咳嗽迺肺寒也寒化熱熱則生痰喘滿也經云喉中介介如梗狀甚則嗽血也胃滿氣喘痰盛稠粘皆肺氣熱也  
澹療方

痰飲

津液流通榮血之常失常則爲痰涎所謂失常者氣亂故也氣道貴乎順順則流通津液決無痰涎苟爲六淫所傷七情所激則氣道閉塞胃腑聚津液而成痰也痰之爲候大槩熱則稠粘冷則清水飲之名狀尤多有痰飲懸飲溢飲支飲留飲伏飲爲喘爲咳爲嘔爲泄爲眩暈心嘈怔忡爲寒熱疼痛腫滿攣蹇爲癰閉痞隔皆痰與飲之爲患也治療之法

寒者溫之熱者清之痞者溫利之亦莫若順氣道爲先氣順則津液流通痰飲運下自小便中出又有病者喜吐痰唾服八味間作効王叔和云腎寒多唾是也况八味圓內茯苓澤瀉自有利痰之功良有意焉學者宜知之

咳嗽

夫咳嗽者古方所謂欬嗽是也皮毛乃肺之合皮毛受風寒先從其合而傷肺氣故爲嗽况肺爲嬌臟易於感寒然內傷七情外感六

淫俱能致嗽非惟風寒也或傳為五臟六腑  
之嗽久而不治致為勞嗽嗽之脈浮大者生  
沉小伏匿者死世醫多用鶯粟殼性緊澁烏  
梅味酸乃傷脾胃脾胃壯者服之猶可脾胃  
稍弱服之先損穀氣才亦危哉况治嗽正當  
養脾以土生金而肺病自安矣

衛生寶鑑

咳嗽并論治法

咳謂無痰而有聲肺氣傷而不清也嗽謂無

聲而有痰脾濕動而為痰也若咳嗽有聲而  
有痰者因傷肺氣動於脾濕也故咳而兼嗽  
者也脾濕者秋傷於濕積於脾也故經云秋  
傷於濕冬生咳嗽大抵素秋之氣宜清而肅  
若反動之則氣必上衝而為咳嗽甚則動脾  
濕而為痰也是知脾焦留濕雖傷肺氣而不  
為痰也若有痰而寒少熱多各隨五臟證而  
治之假令濕在肝經謂之風痰濕在心經謂  
之熱痰濕在脾經謂之濕痰濕在肺經謂之

氣痰濕在腎經謂之寒痰各宜隨證而治之  
咳而無嗽者以辛甘潤其肺咳而嗽者治痰  
爲先故從南星半夏勝其痰而咳嗽自愈  
聖濟總錄

### 痰飲統論

人之有形藉水飲以滋養水之所化憑氣脈  
以宣流蓋三焦者水穀之道路氣之所終始  
也三焦調適氣脈平勻則能宣通水液行人  
於經化而爲血溉灌周身三焦氣澀脈道閉

塞則水飲停滯不得宣行聚成痰飲爲病多  
端古方論飲病有四卽痰飲懸飲溢飲支飲  
也其人素盛今瘦水走腸間澀澀有聲謂之  
痰飲水流脅下咳唾引痛謂之懸飲飲水流  
行歸於四肢常汗出而不汗身體疼重謂之  
溢飲其人欬逆倚息短氣不得臥其形如腫  
謂之支飲此卽見飲疾大槩多爲此者然又  
有五飲及水在五臟病各立名不同與夫聚  
而不散曰留飲僻於脅肋曰癖飲流移不定



曰流飲沉伏於內曰伏飲因酒而成曰酒癖  
寒多卽曰冷痰熱多卽曰熱痰病雖多端悉  
由三焦不調氣道否澀而生病焉是以氣行  
卽水行氣滯卽水滯故知飲之爲病在人最  
多善療此者要以宣通氣脉爲先則水飲無  
所凝滯所以治痰飲者當以溫藥和之以入  
之氣血得溫則宣流也及其結而成堅癖則  
兼以消痰破飲之劑攻之  
拔粹方

### 咳嗽證

咳謂無痰而有聲肺氣傷而不清也嗽謂無  
聲而有痰脾濕動而爲痰也咳嗽是有痰而  
有聲蓋因傷於肺氣而欬動於脾濕因欬而  
爲嗽也治咳嗽者治痰爲先治痰者下氣爲  
上是以南星半夏勝其痰而咳嗽自愈也枳  
殼陳皮利其氣而痰自下也痰而能食者大  
承氣湯微下之痰而不能食者厚朴湯治之  
夏月嗽而發熱者謂之熱痰嗽小柴胡湯四

兩加石膏一兩知母半兩用之冬月嗽而發寒熱謂之寒嗽小青龍加杏仁服之蜜煎生姜湯蜜煎橘皮湯燒生姜胡桃皆治無痰而嗽者此乃大例更當隨時隨證加減之

醫方大成

咳嗽

肺爲五臟之華蓋聲音之所從出皮毛賴之而潤澤腎水由茲而生養腠理不密外爲風寒暑濕之氣所干皆能令人咳嗽傷風則脉

浮增寒身熱自汗煩燥鼻引清涕欲語未竟而欬傷寒則脉緊無汗惡寒煩燥不渴遇寒而咳傷熱則脉數煩渴引飲咽膈乾燥咳唾稠粘傷濕則脉細咳則四肢重著骨節煩疼又有七情之氣傷于五臟六脉剋于肺經亦能致咳喜傷心者咳而喉中介介如腫狀不已則小腸受之咳狀與氣俱失怒傷肝者咳而兩脇下痛不已則膽受之嘔吐苦汁思傷脾者咳而不脇下痛引至肩背不已則胃受

之嘔吐痰沫憂傷肺者咳而喘息有聲甚則唾血不已大腸受之咳而遺屎恐傷腎者咳而腰背相引痛不已則膀胱受之咳而遺溺咳而不已三焦受之咳則腹滿不欲食治療之法宜詳審其脉證若外感邪氣止當發散又須觀病者之虛實用藥若內因七情而得者又當隨其部經與氣口相應脉浮緊爲虛寒沉數爲實熱弦澹爲少血洪滑則多痰咳嗽之脉浮大者易治沉微者難愈大槩以順

氣爲先下痰次之又有停飲而咳者又須消化之切不可輕用鶯粟殼等藥澁之又有寒邪未除者亦不可使用補藥最忌憂思過度房室勞傷否則多成瘵疾之證謹之

### 痰氣附諸飲

人身之痰如長流水貴乎順行又賴土爲之堤防偶爲風所逆或爲物所壅滯則使有聲可以過顙故痰之爲疾或由脾土虛弱不能攝養金肺或爲四氣七情所干氣壅痰聚發

而爲喘爲咳又有水飲停滯胃膈亦能爲喘  
爲欬爲嘔爲泄爲眩暈心嘈怔忡爲寒熱爲  
疼痛爲腫滿攣蹙爲癢閉痞膈皆痰所致古  
方所載四飲生六證懸飲者飲水流在脅下  
咳嗽引痛溢飲者飲水流於四肢當汗而不  
汗身體疼重支飲者咳逆倚息短氣不得臥  
其形如腫痰飲者其人素盛今瘦腸間漑漑  
有聲留飲者背寒如手大或短氣而渴四肢  
歷節疼痛脇下滿引缺盆欬嗽轉甚伏飲者

膈滿喘咳嘔吐發則寒熱腰背引痛眼淚流  
出其人振振惡寒其脉皆弦微沉滑治法懸  
飲當下之溢飲當發其汗支飲則隨證汗下  
痰飲則用溫藥從小便利之此固定法而嚴  
氏獨以痰飲之疾皆氣不順而致之當順氣  
爲先分導次之氣順則津液流通痰飲自下  
亦至當之論亦有腎氣虛寒不能攝養腎水  
使邪水溢上多吐痰唾又當溫利之八味圓  
最得其宜或因酒後停飲而嘔者二陳湯丁

香煮散主之或脾胃爲物所傷而停積痰飲  
五套圓破飲圓主之臨病之際更宜詳審

### 喘急

人之五臟皆有上氣而肺爲之總故經云諸  
氣皆屬於肺居五臟之上而爲華蓋喜清虛  
而不欲窒礙調攝失宜或爲風寒暑濕邪氣  
相干則肺氣脹滿發而爲喘呼吸坐臥促迫  
不安又有因七情之氣于於五臟鬱而生痰  
或體弱之人脾腎俱虛不能攝養一身之痰

皆能令人發喘治療之法當究其源如感邪  
氣則驅散之氣鬱則調順之脾腎虛者溫理  
之又當於各類而求凡此證脉滑而手足溫  
者生脉瀋而四肢寒者死數者亦死謂其形  
損故也此嚴氏之說故再述于此

### 求類鈴方

### 痰飲

痰則伏於包絡隨氣上浮客於肺經因嗽而  
發涎則伏於脾元隨氣上溢口角導出飲則

生胃腑為嘔為吐簡龐安常云人身無倒上之痰世無逆流之水當順氣也脾土虛弱不能攝養肺金四氣七情所于氣壅痰聚為喘嗽嘔吐眩暈心嘈怔忡寒熱疼痛腫滿癰癥癰閉痞塞如風如顛皆痰所為飲雖有六治法順氣為先分導次之溫利自小便中出為上不可汗下氣順津液流通痰飲自下

脉

病證

治

其脉偏

三因十棗湯脉弦者倍

弦為飲  
浮而滑

懸飲

飲水流脇下咳唾引痛

木圓半夏茯苓湯悸而

停飲三因五苓散破飲

元枳朮元濟生枳朮湯

亦為飲  
又曰弦  
微沉滑  
為飲又滑  
日寸沉  
寒飲在  
胃中

溢飲

飲水四肢不汗身疼重

大青竜湯 加減小青

竜湯

支飲

咳逆倚息短氣如腫形

三因防已桂枝湯脉沉

緊下之不愈 小承

氣湯 茯苓五味子

類聚

卷三

痰飲 其人素盛今瘦 胃中漉漉有聲

留飲 背寒短氣而渴 肢節疼

湯小半夏湯 葶藶大棗瀉肺湯

三因瘦人臍下有悸吐沫癩眩立苓散參苓

飲破飲元御院木香

檳榔元本事芫花元

下注論蒼朮元

局方參蘇飲 茯苓半

夏湯 簡易白朮茯苓

伏飲 痛脅滿 咳嗽 喘滿咳 吐惡寒 而熱腰 背痛淚 出

苓湯

參蘇飲 易簡枳實半

夏湯

胃脘 停痰腹 鳴口中 淡食不 化嘔吐 臂痛項 疼

局方五苓元丁沉透鬲

湯胃弱十味正氣散

加丁香砂仁

簡易茯苓元 本事化

痰元 濟生導痰湯

胃冷二生湯

局方五苓散元脾虛溫利

八味元丁砂二陳湯

脾胃虛冷宿寒痰蓄

下青州白元子三因

強中圓

簡易新法半夏湯御院

法製半夏三因枳實

理中元楊氏丁香荻

苓湯

氣虛痰厥

局方蘇子降氣湯俞山

人降氣湯黑錫丹

靈砂丹簡易潔白

元

澹寮順元散靈砂白

元下氣滯頭眩百

一選三仙元氣鬱

四七湯

腎虛水淫上邪

八味元好黑錫丹



善上唾  
痰水

痰癖

氣分硬  
如杯時  
有水聲

濟生枳朮湯 檳榔散

三因枳實湯

局方倍朮元 桔梗湯

加白朮檳榔肉桂

五套圓 青州卅元

加神保圓五圓姜湯

下

御院半夏利膈圓 簡

風痰

頭眩嘔  
喘咽膈  
不利

易分涎湯

局方桔梗湯 本事化

痰圓

脉實小柴胡湯 參蘇

飲 百一選人參前

胡湯兼嗽人參飲子

見嗽門

痰熱

酒傷胃 朝吐  
減食

生平胃加丁香半夏茯苓

苓勝紅圓 姜汁理

久則手足  
振掉或痺

中元 五套元 倍

木元 生冷丁砂二

陳湯

### 雜病咳嗽

咳嗽自肺傳五藏藏咳不已而後六府受之  
六府受之至三焦受之咳而腹滿不欲食其  
始關於肺終則聚於胃使人多涕唾而面浮  
腫氣逆也治法當審脉證三因若外因邪氣  
止當發散又須原其虛實冷熱若內因七情

則隨其部經在與氣口脉相應浮緊為虛寒  
沉數為實為實熱弦澹為少血洪滑為多痰  
常以順氣為先下痰次之有停飲而咳又須  
消化之切不可用烏梅用罌粟澁酸之藥其  
寒邪未除亦不可使用補藥尤忌憂思過度  
房室勞傷遂成瘵疾宜養脾生肺

脉 病證

治

浮

風

憎寒身熱  
惡風自汗  
燥煩鼻涕  
清

敗毒散加桑白皮人金

沸散加杏仁三拗

緊

寒

發熱無汗  
煩燥不渴  
呷熱湯止  
呷冷也呷  
者冷水暫止  
者熱也

湯 澹寮五拗湯  
濟生杏蘇湯 人參  
京芥湯麻黃皆不去  
根節

華蓋散金沸散小青龍  
湯杏子湯加麻黃溫肺  
湯欵冬花散百一選人  
參飲子  
局方溫中化痰元清肺

數

暑

煩渴引飲  
咽乾唾稠  
兼風頭疼  
有熱

湯簡易九寶湯仁齋加  
減理中湯御院八味欵  
花散

竹葉石膏湯小柴胡加  
桑白皮麥門冬三拗  
湯加黃芩薄荷 金  
沸草散

濟生人參京芥散六和  
湯加五味子杏仁

類聚 卷四 四 酒

細濡

濕節四肢重骨  
頭疼兼風  
利浮小便不利

楊氏瀉白散 濟生白

木散 仁齋加味理

中湯 三因平氣飲

兼風正氣散 和敗

毒散 姜皮薄荷煎

濟生團參飲子通治五

藏咳嗽所傷

左尺浮

喜傷心

自汗 煩熱 咽乾 咯血 喉腫

團參飲子

左關弦

怒傷肝

左脇 痛腹 膝疼

團參飲子

右關濡

思傷脾

右脇 痛腹 脹嘔 或頭 目腫

楊氏瀉白散 濟生團

參飲子

瀉而乳

憂傷肺

喘息 咯血 聲嘶

肺痿咯血癰膿濟生桔

梗湯葶藶散團參飲子

紫苑湯續易簡扁豆散

黃芪散蓮心散大阿膠

嘔或

類聚 卷四

百九

左尺浮瀉而數

恐傷腎

腰痛背引喘滿

元理中湯局方鍾乳補肺湯人參養肺元三因茯苓補心湯

諸嗽脈沉大而

勞咳

身疲盜汗異夢發寒熱骨蒸或有傳

三因茯苓補心湯 濟生團參飲子 潤肺元御院紫參元 局方人參養肺元通見勞極門

骨生沉下伏匿難治

氣結

胃滿夜臥起嗽不止

簡易九寶湯磨沉香三因平氣湯參蘇飲加枳實團參飲加木香百一選人參紫苑湯楊氏大降氣湯御院蠟煎散局方養肺元潤肺元半夏元玄參散

微

虛冷

憂思頭眩盜汗四肢厥小便滑

理中湯加五味子 沉附湯 黑錫丹

弦實

實熱

胃滿  
渴面赤  
大小便  
澀成肺  
癰

小柴胡加桑白皮 麥

門冬 竹葉石膏湯

玉液元 玉芝元

局方溫中化痰元 溫

肺湯 胡椒理中元

杏參散

嗽嘔

吐至飲  
食痰物  
皆盡用  
木克脾  
土

煎五味子調理中湯

鍾乳補肺湯 熱用

團參飲子加藕節地

血滲

肺虛咳  
痰有紅  
不進食

沉弱吉  
實大為  
火克金

躄躄  
因濕氣  
入脾傳  
入肺經

簡易九寶湯 黃圓子  
紫金丹

黃汁損折加沒藥  
咯血嗽童子小便浸  
杏仁煉膏入蜜少許  
噲

雜病喘急

肺以清湯上升之氣居五藏華蓋之上通榮  
衛合陰陽升降往來無過不及六淫七情之

所傷感飽食動作藏氣不和呼吸之息不得  
 宣暢而為喘急亦有脾腎俱虛體弱之人皆  
 能發喘治法必究其因如感邪氣則驅散之  
 氣弱則調順之脾腎虛者溫理之更有產後  
 喘急為危疾見濟生方中

脉

病證

治

右手寸口氣口以前陰脉應手有力肺實也必

局方三拗湯華蓋散人參定喘湯杏參散簡易九寶湯澹寮五拗湯三

上氣喘逆咽塞欲嘔自汗皆肺實證若氣口以應手無前陰脉力必無津乾氣虛証此少氣虛証肺浮滑脈手足温者沉瀦四脈寒者

風寒

上氣急不得臥

因神祕湯濟生橘蘇散

暑濕

中有聲或聲不出

秘傳麻黃湯加減麻黃有汗不去節無汗去根

節川升麻北細辛桑白皮桔梗生甘草各等分熱加瓜婁根濕加蒼朮姜葱煎溫熱服或加川芎乾葛川芎則群隊矣虛冷人勿服

死數者

亦死為

其形損

也

類身重

輕者金沸散加紫蘇五

味子或打和升麻湯姜

葱煎濟生杏參湯蘇子

降氣湯加杏仁桑白皮

小柴胡湯蘇子降氣湯

加五味子

濟生四磨湯三黃元局

方蘇子降氣湯秘傳降

氣湯加枳實分氣紫蘇

胃熱

壅

勞飽房  
墜墮廢  
之五藏

痰氣

停壅博  
於肺或  
大便不  
調

虛喘

脉微色  
青黑痿  
黃氣短  
四肢厥  
小便多

飲制半夏七介椎破皂

角去皮蜜炙一寸半

草一寸生姜兩指大小

一椀煎五分頓服沉待

制名千縉湯

濟生四磨湯活人五味

子湯參附湯磨沉香調

鍾粉羅參末胡桃片大

栗片蠟片常嚼之



類聚

百三

真喘

脉散反  
常口鼻  
黑目上  
視二便  
不知

參附四磨湯去檳榔少

年鍾乳補肺湯或作

膏噲

下虛

胃滿而  
喘六淫  
七情陰  
陽失度

四磨湯送下真黑錫丹

沉香降炁湯下黑錫

丹俞山人降氣湯

濟生四磨湯下養正丹

紫蘇子湯

飲啖傷脾  
腥喉

濟生八味葶藶散

唾濁胃滿  
咳紅肺癰

三因葶藶大棗湯

年高

痰嗽住  
經早產  
後血未  
盡感風  
寒

濟生杏參湯四磨湯下

黑錫丹

年少

痰嗽經  
水不循  
道肺氣  
壅併

三拗湯加芎歸 蘇子

降氣下青州人參定

喘湯

婦產後

感寒傷  
生冷寮  
其冷熱

三因五味子湯 神祕

湯 分氣紫蘇飲加

類聚

百三

人

不可發汗

芎歸甚則四磨湯

產後

痛惡血

芎歸湯調澤蘭散人參

血痛

聚於肺

桑白皮蘇木煎湯調

血滯

痰化為

調經散局方紫蘇子

治絕陰難

元甚則蘇子降氣打和濟生四磨湯

治

胸喘

皮香附子澤蘭葉

金沸和三拗服甜瓜蒂

七箇為末冷水調澄

清時呷之吐痰愈服

蘇合香三兩七氣湯

三十服加沉香磨服

效

施圓端效方

咳嗽

咳者五藏六府皆令人咳非獨肺也以肺主皮毛風寒客而先受之寒飲入胃內外相合則肺咳人與天地相參五藏咳之各異肺咳之狀咳而喘息有音甚則唾血心咳之狀喉中介介甚則咽腫喉痺肝咳之狀兩脇下痛甚則臑滿不得轉側脾咳右脇痛陰陰引肩背甚則不可動動則咳劇腎咳腰背相引痛甚則咳涎五藏之咳久則移於六府胃咳嘔或虫出膽咳嘔苦膽汁大腸遺矢小腸失氣

膀胱遺溺久咳傳流三焦腹滿而極唾涕浮腫氣逆深窮狀矣逆曰夫咳喘者飲冷形寒傷肺也內爲華蓋外主皮膚包表其身傷之最易苦身勞氣先殘手太陰經強力竭施以耗兌金之液母衰子弱水涸鱗殃咳血唾膿損痿之甚內經曰損其肺者調其氣節於味以先其脾虛之補母以固其根

玉機微義 痰飲

痰飲脉法

要略云脉雙弦者寒也皆大下後善虛脉偏弦者飲也肺飲不弦但苦喘短氣又云脉浮而細滑者傷飲脉弦數有寒飲冬夏難治脉沉而弦者懸飲內痛共人短氣四肢歷節痛脉沉者有留飲陳無擇云飲脉皆弦微沉滑或云左右關脉大者鬲上有痰也可吐之病人百藥不效關上脉伏而大者痰也眼皮及眠下如灰烟黑者痰也

仲景四飲

要略云四飲者懸飲留飲支飲痰飲是也其人素盛今瘦水走腸間漑漑有聲謂之痰飲飲後水流在腸下欬唾引痛謂之懸飲水流於四支當汗出而不汗身體重痛謂之溢飲咳逆倚息短氣不得卧其形如腫謂之支飲又有留飲者背寒如手大或短氣而渴四肢歷節疼脇下痛引缺盆咳嗽則轉甚又有伏飲者鬲滿嘔吐喘咳發則寒熱腰背痛目泪出其人振振惡寒身瞶惕病溢飲者當發其

汗懸飲者法當下之痰飲者當以溫藥和之  
按古方謂四飲生六証者卽四飲加伏飲  
留飲也或云五飲者卽留飲伏飲合爲一  
證也三因爲痰飲用溫藥從小便去之支  
飲卽隨證汗下以補四飲之治法愚嘗觀  
仲景治飲諸方之意在表者汗之在裏者  
下之挾濕則分利之寒熱溫涼隨其所屬  
以治之何必拘此四證

痰分三因

陳無擇云人之有痰飲者由榮衛不清氣血  
濁敗凝結而成也內則七情汨亂藏氣不行  
鬱而生涎涎結爲飲爲內所因外則六淫侵  
冒玄府不通當汗不泄蓄而爲飲爲外所因  
或飲食過傷色慾無度運動失宜津液不行  
聚爲痰飲屬不內外因其爲病也爲喘爲咳  
爲嘔爲泄爲眩暈嘈煩忪悸憤懣寒熱疼痛  
腫滿癢癢癰閉痞滿如風如癩未有不由痰  
飲所致

按此分三因爲病之狀至爲切當而其論中所引三因之藥有外因而用裏藥者有內因而用表藥者其意詳見方後論中

論治痰理氣之說

嚴氏云人之氣道貴乎順順則津液流通決無痰飲之患有方治飲用汗下溫利之法愚見不若以順氣爲先分導次之氣順則津液流通痰飲運下自小便中出矣

按嚴氏謂氣順則痰自下之說蓋以人之

七情鬱結氣滯生涎聚爲痰飲治者能使氣道通利則痰自降下也然有病人元有痰積其氣因痰而結滯者豈但理氣而痰能自行耶必先逐去痰結則滯氣自行豈可專上一說又云人身無倒上之痰天下無逆流之水此乃齊東之語夫水性潤下搏而躍之則可使過顙痰性順下被火從上亦可至巔今庸醫莫察其義又每口誦以語人良可悲夫

論痰爲諸病

王隱君論云痰證古今未詳方書雖有五飲痰諸飲之異而莫知其爲病之源或頭風眩目連耳鳴或口眼蠕動眉稜耳輪俱痒或痛或四支游風腫硬而似疼非疼或爲齒頰痒痛牙齒浮而痛痒不一或噫氣吞酸心下嘈雜或痛或噦或咽嗌不利咯之不出嚥之不下其痰似墨有如破絮桃膠蜆肉之狀或心下如停水鍊心氣冷痛或夢寐奇恠之狀或

足腕酸軟腰腎骨節卒痛或四支筋骨疼痛難名並無常所乃至手麻臂疼狀若風濕或脊上每日壹條如線之寒起者或渾身習習如卧芒刺者或眼粘濕痒口糜舌爛喉痺等證或遶項結核狀若瘰癧或胃腹間如有二氣交紐噎塞煩悶有如煙火上衝頭面烘熱或爲失忘顛狂或中風癱瘓或勞瘵在苒之痰或風毒脚氣或心下怔忡如畏人捕或喘嗽嘔吐或嘔冷涎綠水黑汁甚爲肺癰腸毒

使膿攣跛蓋內外爲病百般皆痰所致其狀不同難以盡述蓋津液既凝爲痰不復周潤三焦故口燥咽乾大便秘而如枯骨毛髮焦槁婦人則因此月水不通若能逐去敗痰自然服餌有效余嘗用壹藥卽袞痰丸以愈諸疾不可勝數矣今特相傳於世云

脉經云病人壹臂不遂時復移在壹臂其脉沉細非風也必有飲在上焦  
活人書云中脘有痰亦令人憎寒發熱惡風

自汗胸膈痞滿有類傷寒但頭不痛項不强爲異

按所敘病證患者十居八九足見痰之爲病誠多也何則人血氣流行無一息間斷纔有壅滯津液凝閉鬱而成熱痰遂生焉人於六淫七情飲食起居之際豈能一一中節而無所壅滯乎故余特敘脉經活人二條以證隱君之說有所本也但所製袞痰丸一方難以通治諸疾



論飲專主於濕

原病式云積飲留飲積蓄而不散也水得於燥則消散得濕則不消以爲積飲土濕主痞故也

論痰證有五

子和云凡人病痰者有五一日風痰二曰熱痰三曰濕痰四曰酒痰五曰食痰蓋風痰者形寒飲冷熱痰者火盛制金濕痰者停飲不散酒痰食痰者飲食過傷所致

按痰乃積飲所化故原病式列於太陰濕土之條又子和有五痰之說蓋其則一出於濕而所挾所因有五者之異故王隱君之方書論痰有五曰風痰寒痰熱痰氣痰味痰夫味痰者因飲食酒醪厚味而然也氣痰者因事逆意而然也熱痰者因飲食辛熱炙煇重裊厚服而然也寒痰者因冒寒涼而然也風痰者因感風而發或風熱拂鬱而然也此皆素抱痰氣因風寒氣熱

味而作非別有此五種之痰也愚謂治法當以痰爲本以所挾之氣爲標也

### 論痰清濁

王隱君云論痰清白者爲寒黃而濁者爲熱殊不知始則清白久則黃濁清白稀薄漬於上黃濁稠粘凝於下嗽而易出者清而白也欬而不能出則黃濁結滯者也若咯唾日久濕熱所鬱上下凝結皆無清白者也甚至帶血而敗則黑痰爲關格異病人所不識又清

白者氣味淡日久者漸成惡味酸粹腥臊焦苦不一

按此以痰之新久分清濁可謂得病機之情矣

### 飲當去水溫補轉劇論

子和云留飲一證也古人有四飲五飲之分皆觀病之形狀而定名也云云不踰月而差

詳見儒門事親

按此論飲乃水濕所爲發爲諸證不宜溫

補可謂詳明但專以三花神佑丸爲說則失之太峻也詳見總論中

論局方川熱藥治諸氣痰飲嘔吐噎

之誤

丹溪曰夫氣之初病也其端甚微或因飲食不謹或外觸風雨寒暑或內感七情或食味過厚偏助陽氣蘊爲膈熱或資稟充實表密無汗津液不行清濁相干氣爲之病或痞或痛或不思食或噫腐氣或吞酸或嘈雜或膨

滿不求病原便認爲寒遽以辛香燥熱之齊投之數貼時暫得快以爲神方厚味仍前不節七情又復相仍舊病被劫暫開濁液易於攢聚或半月或一月前証復作如此延蔓自氣成積自積成痰此爲痰爲飲爲吞酸之由也良工未遇謬藥又行痰挾瘀血遂成窠囊此爲痞爲痛爲嘔以爲噎膈反胃之次第也飲食湯液滯泥不行滲道蹇澀大便或秘或澀下失傳化中焦愈停醫者不察猶執爲冷

翻思前藥隨手得失至此賓主皆恨藥欠燥熱顯俟久服可以溫脾壯胃消積行氣以奠一旦豁然之効不思胃爲水穀之海多血多氣脾爲消化之器氣清和則健而運行不息今久得香熱之味偏助氣血沸騰其始也胃液凝聚其久也脾氣耗散傳化漸遲醫者入曰虛而積寒非尋常草木可療徑以烏附助佐丹劑專意服之積而久也血液俱耗胃腕乾槁遂成噎噎亦曰反胃仲景論飲有六分

別五臟諸証可表者汗之可下者利之滯者導之鬱者揚之熱者清之寒者溫之偏熱偏寒者反佐而行之挾濕者淡以滲之挾虛者補以養之治法至矣第恨醫者不善處治病者不守禁忌遂使藥助病邪展轉深痼去生漸遠深可哀憫

按此論嘔吐痞滿噎腐吞酸噎隔反胃致疾之由皆以氣之初病誤服燥熱結爲痰飲所致故列於痰飲門中而於彼請證內

不詳載宜於此通攷焉

謹按痰之爲病仲景論四飲六證無擇敘  
內外三因俱爲切當蓋四飲則敘因痰而  
顯諸證者三因則論其因有所傷而生痰  
者也唯王隱君論人之諸疾者悉出於痰  
此發前人所未論可謂深識痰之情狀而  
得其奧者矣制袞痰丸一方總治斯疾固  
爲簡便較之仲景三因有表裏內外而分  
汗下溫利之法則踈濶矣况又有虛實寒

熱之不同者哉夫痰病之厚有因熱而生  
痰者亦有因痰而生熱者有因風寒暑濕  
而得者有因驚而得者有因氣而得者有  
因酒飲而得者有因食積而得者有脾虛  
不能運化而生者若熱痰則多煩熱風痰  
多成癱瘓奇證冷痰多成骨痺濕痰多倦  
怠軟弱驚痰多成心痛癩疾飲痰多成脇  
痛臂痛食積痰多成癖塊痞滿其爲病狀  
種種難名王隱君論中頗爲詳盡學者但

察其病形脉證則知所挾之邪隨其表裏  
上下虛實以治也若夫子和謂飲無補法  
必當去水故用吐汗下之三法治人常愈  
又論熱藥治痰之誤固為精切亦有挾寒  
挾虛之證不可不論夫久痰凝結膠固不  
通狀若寒凝不用溫藥引導必有拒格之  
患况有風寒外束痰氣內鬱者不用溫散  
亦何以開鬱行滯也又有血氣虧乏之人  
痰客中焦閉塞清道以致四支百骸發為

諸病理宜導去痰滯必當補接兼行又難  
拘於子和之三法也大凡病久淹延卒不  
便死者多因食積痰飲所致何以然蓋胃  
氣亦賴痰積所養飲食雖少胃氣卒不便  
虛故也亦有治痰用峻利過多則脾氣愈  
虛津液不運痰反亦生而愈盛法當補脾  
胃清中氣則痰自然運下此乃治本之法  
世謂醫中之王道者正此類也

論痰證有似邪祟

又見諸虛門

欬嗽

諸經敘欬

內經曰五藏六腑皆令人欬非獨肺也皮毛者肺之合也皮毛先受邪氣邪氣以從其合也五臟之咳久乃移於六腑本文府藏欬狀見後湯液方下按欬論五臟六腑千金方又引心主欬然則十二經皆有欬證也

千金方曰論云有風欬有寒欬有肝欬有心欬有脾欬有肺欬有腎欬有膽欬有厥陰欬

有支欬十欬之異欲語因欬言不得竟謂之風欬飲冷食寒因之而欬謂之寒欬心下堅滿欬則支痛其脉友遲謂之支欬欬則引脇下痛謂之肝欬欬而唾血引手少陰謂之心欬欬而涎出續續不止引少腹謂之脾欬欬引頸項而唾涎沫謂之肺欬欬則耳無所聞引腰并臍中謂之腎欬咳而引頭痛口苦謂之膽欬欬而引舌本謂之厥陰欬風欬者不下之寒欬支欬肝欬刺足太衝心欬刺手神

門脾欬刺足太白肺欬刺手太泉腎欬刺足  
太谿膽欬刺足陽陵泉厥陰欬刺手太陵  
按此論五臟洎風寒肢膽厥陰經爲十咳  
其引現證與經論臟腑咳證皆稍異詳攷  
欬卽氣與支飲證也經有三焦咳而無心  
主此有心主而無三焦然已發其秘矣惜  
乎胃大小腸膀胱咳及針石皆略之不議

脉法

脉經曰關上脉微爲咳肺脉微急爲咳而唾

而咳而脉弦濇爲少血脉緊者肺寒雙弦者  
寒浮緊者虛寒脉細傷溫脉浮而緩傷風數  
則爲熱沉數者爲實虛脉弦爲水偏弦爲飲  
脉沉爲留飲洪滑多痰欬脉浮直者生浮軟  
者生

咳證死脉

咳而脉緊者小沉伏匿者欬而羸瘦脉形堅  
大者咳而脫形發熱脉小堅急者肌瘦下脫  
形熱不去咳而嘔腹脹且泄其脉弦急者皆



死不治

論咳與嗽本一證

子和曰內經陰陽應象論云秋傷於濕冬生咳嗽五臟生成篇云咳嗽上氣云云乃知欬即嗽明矣詳見儒門事親

謹按咳與嗽本兩字義內經已作一證連言之愚詳大抵咳者氣動也陽也嗽者兼血也陰也况是證其本雖殊其標則一故世俗不以爲疑唯潔古發內經微旨其義

見下

病機機要云欬謂無痰而有聲云云痰而不能食者厚朴湯主之詳見儒門事親

論嗽分六氣無拘於寒

子和曰素問言皮毛者肺之合也云云此非六氣之云乎詳見儒門事親

按此只述六氣爲病故其論中集司天勝復爲咳之畧但無濕乘肺式方治則又有之式盖脫簡尔然丹溪先生論咳有因勞

因痰因肺脹因食卽作痰發熱致嗽或嗽而聲嘶者此因血虛受熱所致皆內因病本之不同如傷寒小青龍湯治例爲水飲與表寒相合而咳真武陽所主爲水飲與裏寒相合而咳傷寒中風往來寒熱育滿心煩喜嘔而咳加減小柴胡主之爲陽邪傳肺加味四逆散主陰邪傳裏而咳者此皆外因傳變之例豈可枚舉但咳證之標壹人故不歷求其本也觀子和之論然亦啟其微尔

論欬分三因

陳無擇云傷風欬者憎寒壯熱自汗惡風口乾煩燥傷寒欬者憎寒發熱無汗惡寒煩燥不渴傷暑欬者煩熱引飲口燥或吐涎沫聲嘶咯血傷濕欬者骨節煩疼四肢重著洒淅此屬外因五臟咳而不已則六腑受之者此屬內因如欬而發作寒熱引腰背痛或喘滿此因房勞傷腎或中滿腹脹搶心痛不欲食此因飢飽傷脾或欬而左脇偏痛引小腹并

膝腕疼此因疲極傷肝或吐白涎口燥聲嘶  
此因呼呌傷肺或欬而煩熱自汗咽乾咯血  
此因勞神傷心並屬不內外因也假如尺脉  
浮濇而數則知傷腎右關脉濡則知飲食傷  
脾左關脉弦短則知疲極傷肝但不應人迎  
氣口者卽是不內外因也

嚴氏云咳嗽始關於肺終則聚於胃使人多  
涕唾而面浮腫氣逆也治法當審脉證三因  
若外因邪氣止當發散又須原其虛實冷熱

若內因七情則隨其部經在與氣口脉相應  
浮緊爲虛寒洪滑爲多痰當以順氣爲先下  
痰次之有停飲而咳又須消化之切不可用  
烏梅粟殼酸澀之藥其寒邪未除亦不可便  
用補藥尤忌憂思過度房室勞傷遂成瘵疾  
矣

按此論欬證備三因可謂詳悉但外因現  
證與前子和論六氣異者此蓋言邪氣外  
感非乘客于肺之比也惜乎諸因方治未

備所論脈證治法極闢其微至禁不可便  
用澁補甚得大法之要大抵此證其原實  
多故不可便用澁之補之也然不能忌憂  
思戒房室而性躁及脫營之人皆所難療  
論濕痰主嗽

潔古曰嗽者秋傷於濕積於脾經曰秋傷於  
濕冬必咳嗽大抵素秋之氣宜清而肅反動  
之則氣必上衝而爲嗽甚則動於濕而爲  
痰也是知脾無留濕雖傷肺氣不爲痰也有

痰者寒少熱多各隨五臟而治之假令濕在  
肝經謂之風痰濕在心經謂之熱痰濕在脾  
經謂之濕痰濕在肺經謂之氣痰濕在腎經  
謂之寒痰且隨證而治之欬而無痰者以辛  
甘潤其肺咳而嗽者治痰爲先故以南星半  
夏勝其痰而欬嗽自愈枳殼陳皮利其氣而  
痰自下

按此論欬因濕在於經致痰爲欬五臟亦  
皆有之可謂發內經之祕矣然至氣鬱津

液不降或停水飲所致或腎氣虛弱火炎  
小涸津液湧而為痰涎於上此氣飲及真  
臟為病非諸經之留濕致病也故易老云  
半夏止能洩痰之標而不能治痰之本是  
矣詳已上助言枳殼等利氣下痰恐非易  
老語也

論痰飲治咳

詳見前

論嗽發早晏病本不同

丹溪曰上半日嗽者屬胃中有火午后嗽者

屬陰虛五更嗽多者此胃中有食卽至此時  
滯肺氣不利諸邪或痰皆然春是春升之氣  
或外感夏是火炎上最重秋是濕熱傷肺冬  
是風寒外來也

論乾咳嗽治法

原病式曰人瘦者腠理疎通而多汗泄血液  
衰少而為燥熱故多為勞嗽之疾也  
丹溪曰欬而無痰者此係火鬱之證乃痰鬱  
火邪在中用苦梗以開之用補陰降火不已

則成癆此證不得志者有之

謹按欬而無痰者本肺氣傷而不清欬久則痰鬱于不能上出故當用藥以開提之實者宣法亦可施也凡嗽久亦有痰中兼血者或帶血絲者燥熱血少者皆當取其化源故曰滋陰降火燥熱勞嗽是宜合而論治

論欬爲肺痿

金匱方論曰熱在上焦者因欬爲肺痿得之

或從汗出或從嘔吐或從消渴小便利數或從便難又被快藥下利重亡津液故寸口脈數其人欬口中反有濁唾涎沫者爲肺痿之病若口中辟辟燥欬卽胸中隱隱痛脈反滑數此爲肺癰欬唾膿血脈數虛者爲肺痿數實者爲肺癰

按此言肺痿屬熱如欬久肺癰聲啞聲嘶咯血此屬陰虛火熱甚是也本論治肺痿吐涎沫而不欬者其人不渴心遺尿小便

數以上虛不能制下故也此爲肺中冷必  
眩多涎唾用炙甘草乾姜此屬寒也肺痿  
涎唾多心中溫溫液液者用炙甘草湯此  
補虛勞也亦與補陰虛火熱不同是皆宜  
分治故肺痿又有寒熱之異也

醫方類聚卷之一百十四